

香山縣志卷二十二

紀事

宋紹興二十二年以香山鎮置縣申志祝志云鎮之設當

初以陝險設於後復以人烟繁盛建鎮鎮曰監官寨曰寨官

秩雖同從九品而職掌各異史志皆云以鎮置縣不云以寨

則元豐之後改寨為鎮可知也邑鄭姓欲建城於雍陌鄉陳

舊志稱唐至德二載設鎮非是

天覺難以口舌爭乃屑鐵和泥置今城址曰建城須貴地地

貴者土重秤土果重於雍陌遂建焉號鐵城陳氏族譜按

其鄉釜涌建城眾以形勢固爭乃陰布鐵砂於今城址云土

貴則重秤土倍重於釜涌城址遂定與陳譜異然據譜天覺

始居即今城地故天覺父文龍墓在仁山之陽其後裔乃徙

釜涌則所謂欲建於其鄉者非釜涌審矣舊志因其裔在釜

涌傳聞久而訛耳祝志

景炎二年十月端宗自潮州之淺灣航海避虜過邑境馬南

寶獻粟千石以餉軍郭某粵大記趙若舉召募潮居里民數

香山縣志卷二十二 紀事

百勤王黃通志按潮居里今黃梁都

十一月丞相陳宜中少傅兼樞密副史張世傑殿前指揮使

蘇劉義奉帝沙衝暫宮於馬南寶家居數日元兵陷廣州同

祝志云黃通志引元文類以此事屬十月又云張鎮孫既

降云云但鎮孫非降元邱瓊臺已有明辨今元文類亦無此

文考二王本末廣州城陷張鎮孫死之在十一月則非十月

審矣宋史二王紀云十月塔出圍廣州庚寅張鎮孫以城降

黃通志蓋本諸此顧核元史世祖紀至元十四年十月丙辰

朔至元十四年即景炎二年十月丙辰朔不得有庚寅然則

宋史十月為十一月之脫

誤無疑黃通志本之非也

元軍至次仙澳戰得利尋望南去止碇州陳仲微二王本末

集杜詩序註云

仙澳即井澳

哈喇歹及宣撫梁雄飛招討王天祿等敗世傑於香山島奪

其戰艦符印俘獲官吏盧茂等丞相陳宜中眾尙數千人舟

八百艘走至虎頭山中流大風壞舟眾多溺死宜中僅以身



免黃通志引元文類 祝志云元史哈喇喇傳從攻張世傑於大洋獲其軍資器械不可勝計即此事也

十二月丙子是至井澳颶風壞舟幾溺死遂成疾旬餘諸軍

士始稍稍來集死者十四五宋史二

劉深襲井澳張世傑戰却之志帝遷於謝女峽本末丁丑

劉深追帝至七洲洋七星洋大戰洋中奪船二百艘帝舅

提舉官俞如珪被執以為帝也遂去帝舟得脫謝女

峽不知所在尋羣書所載端宗由井澳走謝女峽又走七洲

洋七洲洋即今所稱九洲洋在井澳東相距不遠則謝女峽

當在井澳之內疑即雙女坑在小橫琴下猶為縣境丙子申

暴二志作丙寅蓋以史云丙子又云丁丑而丙子下有旬餘

云云遂疑丙子為丙寅之譌改之以傳合句餘之文耳然厓

山志黃通志粵大記皆作丙子則宋史必非刻誤蓋史家欲

記其死者之眾因連類而言其後日來集之事以顯之又嫌

混於丙子當日故以旬餘別焉舊志未達輒改非是祝志

邑人陳勇子降於元初有陳媪者據南蕉山率眾為亂因名

其子曰勇子降後以為縣尹申志

香山縣志卷二十二紀事

景炎三年春正月帝在謝女峽厓山志二月帝舟還廣州尋次

於硃洲黃通志四月殂於硃洲紀庚午衛王即位於硃洲王

本末硃洲厓山志作硃洲宋史二王本末作硃州硃字書

無之蓋當時之俗書硃又硃之省文耳談宋事者誤以硃為

化之硃洲考端宗由井澳走謝女峽至七洲洋皆自西而東

是時崔承已招降雷化高三州見元史世祖紀端宗必無從

東而西至化州之硃洲更無忽然西行次化之硃洲之事又厓

峽二月從海道回廣更無忽然西行次化之硃洲之事又厓

山志稱劉自立追張世傑至硃洲揚太后崩世傑葬之海濱

今揚太后陵在厓山而化之硃洲無之則硃洲不屬化明甚

陳仲微謂硃洲屬東莞今屬新安吳萊古蹟記以為即大奚

山端宗入廣蓋由虎頭門則先次大奚其海道固合陳隨二

王海上吳元人去二王時五月朔改元祥興厓山志景炎

未遠尤足據信也祝志五月朔改元祥興皇帝遺詔曰朕

以幼冲之資當艱危之會方太皇命之南服龜勉於行及三

宮胥而北遷憂悲欲死臥薪之憤飯麥不忘奈何乎人猶托

於我涉颶而肇霸府次闕而擬行都吾無樂乎為君天未釋

乎有宋強膺推戴深抱思慚而夷虜無厭氣被甚惡海桴浮

避澳岸棲存雖國步之如斯意時機之有待乃季冬之月忽

大霧以風舟楫為之一摧神明救於既溺事而至此夫復何

言矧驚魄之未安奄北哨其已及賴師之武荷天之靈遠濱

於危以相所往沙洲何所垂閱十旬氣候不齊積成今疾念

心之鞏固忍萬古以遠離非不其數不可道惟此一髮
相從險阻久繫本根可於極前即皇帝位傳聖綬喪制以日
易月內廷不用過哀梓宮毋得輒置金玉一切務從簡約安
便州郡權督奉陵寢嗚呼窮山極川古今未嘗之患難涼德
知悉祥興皇帝登寶位詔曰朕勉承丕緒祇若令猷皇天付
中國民既勤用德聖人居大寶位日守以仁茲茲眇冲適際
危急惟我朝之聖神繼統而家法以忠厚傳心滲漉在人億
萬年其未泯遭逢多事百六數之相承先皇帝聰明出於羣
倫孝友根乎天性痛憤三宮之北未嘗一日而忘遺大投艱
不應後志除兇剔取惟懷永圖托於神明辱在草莽上霧下
潦之所屢薄洪濤巨浪之所震驚謂多難以殷憂宜祈天而
永命胡甯忍我而不其延日月為之無光社稷瘳其如髮攀
髻何及繼志其誰以趨孤猶幸僅存盡使為宗祧之主以漢
賊不容兩立庶將復君父之讐大義攸關與情交迫閔子小
子遭家不造而况斯今于前甫人圖功攸終其難莫甚尚賴
元勳宿將義士忠臣合志而併謀協心而畢力敵王所愾捍
我于艱茲用大布寬恩率循彝典于以導迎和氣于以迓續
洪休可大赦天下於戲人心有感則必通世運無往而不復
成誦雖幼有周甯後於四征少康之興祀夏實基於一旅往
求依濟咸與維新十七十八十九日諸大行皇帝几筵早晚
臨二十日卒哭行香二十六月六月紀年錄帝走厓山以曾淵子
香山縣志卷二十二 紀事

充山陵使奉梓宮還殯馬南寶家南寶欲赴厓山以病阻

潮居里民多應募從軍者 是月文天祥至船澳按宋史天祥傳

夫人薨紀年弟璋自船澳奉母喪趨惠州集杜詩序按紀年錄公屯麗江浦

遣間使沿海訪問車駕想聞帝在福州故入祥興二年春正月

月十二日張宏範攜天祥過零丁洋天祥指南後錄沙岡今黃梁都義民

殷達輔餉軍三日未幾元軍自潮陽港趨廣海十三日由邑

之水風石海在虎山村前襲厓門志宏範索天祥為書招世傑天

祥書零丁洋詩予之詩見山川門劉岳申二月六日帝赴

海崩厓山志馬南寶哭祥興帝詩翔龍宮殿已蓬飄此日

匡扶事已非遺黎空自淚沾衣微帖木兒不花加都元帥追

星耿耿滄溟底恨不同歸一少微元史帖木兒不花傳

張世傑于香山島世傑死降其眾數千人元史帖木兒不花傳

元至元十六年設廣州路州縣達魯花赤

草木子達魯花赤華言荷包上祿子

也黃通志

二十年三月鹽戶陳良臣等兵起都轉運鹽使合刺普華討

平之黃通志江南宣慰使合刺普華未至官改廣東都轉鹽運

使兼領諸蕃市舶時盜梗鹽法陳良臣煽東莞香山負販之

徒為亂江西行省令與招討使答失蠻計捕斬之招誘餘黨

復業元史

二十二年四月詔追捕帝昺及陳宜中黃通志初昺屍不獲諸

起兵皆謂祥興帝實在占城陳丞相護之元史馬南寶起兵井

澳大清一統志與招討使黎德梁起莘往迎車駕起莘降粵大記江

西行省也的迷失會兵邀擊敗德於海上斬之新會志南寶被

執不屈死粵大記馬南寶傳詳

香山縣志卷二十二 紀事

四

泰定元年海寇黎靜海作亂宣慰使印雲谷令邑人楊仲玉

以五百人破之申志楊紹孫傳詳

至正六年秋季童入寇海上知縣張執樂溫奉檄平之申志張傳

按季童黃通志作李童

二十一年縣人李祖二申志二聚眾攻掠縣治宣差朶羅歹

不能禦邑人鄭榮叟等徙治於邑之古寨山奉朶羅歹同守

未幾朶羅歹死於寨繼而南海龍潭寇盧實善率眾至攻寨

弗克黃通志鄭榮叟傳詳

明洪武元年征南廖永忠帥師入廣州邑人鄭榮叟奉籍歸

附申志

令蛋戶編里輸課蛋戶者以舟楫為宅捕魚為業或編篷瀕

水而居謂之水欄見水色則知有龍故又曰龍戶齊民則目

爲蛋家廣州南岸周旋六十餘里不賓服者五萬餘戶皆蠻
蛋雜居自唐以來計丁輸課於官至是編戶立里長屬河泊
所歲收魚課東莞增城新會香山以至惠潮尤多顧炎武天下郡國利
書十五年三月命南雄侯趙庸籍廣州蛋戶萬人爲水軍時
蛋人附海島無定居或寇盜故籍而用之明彙

十九年東莞龍川興甯南海香山翁源民作亂廣州左衛花
茂統兵討平之粵大

二十二年都指揮同知花茂擊南海香山黃連等寨同

二十四年五月指揮同知花茂收集民兵茂剿平陽春等縣
賊及清遠英德翁源博羅東莞增城龍川興甯歸善南海香
山諸縣及海南雷州等處山寨賊蠻賊及倭賊至是升都
指揮同知因上言廣州地方若東莞香山等縣逋逃蠻戶附

香山縣志卷二十二 紀事

五

居海島遇官軍卽稱捕魚遇蕃賊卽同爲惡不時出沒劫掠
殊難管轄請徙其人爲兵又奏添設沿海依山碣石神電等
二十四衛所城池收集海民置軍守禦仍於要害山口海口
撥軍屯守詔皆從之郡國利病書祝志云阮通志海防略
覆考花茂傳無年月可引明史花茂傳以此爲洪武十七年事

証茲從郡國利病書

二十六年都指揮花茂平三竈賊三竈山抵海洋蕃國有田
三百餘頃極其膏腴粒之香美甲於一方在宋爲黃字上下
二圍元時海寇劉進據之洪武初屬黃梁籍居民吳進添通
蕃爲亂花茂奏討平之悉遷其餘黨詔虛其地除豁田稅永
不許耕歲令官軍千人防守同

二十七年花茂上言請徙廣東沿海地方東莞香山等縣逋
逃蛋戶爲兵郡國利病書所載與此略相同而時不同或同
一事而傳聞各異或山海之叢蛋蠻繁雜編徙之

後地隱仍多故奏請於前而申議
於後也姑並存以俟考 祝志

二十八日大橫琴山寇平詔虛其地初元末海寇王一據之

志申

二十九年徙三竈民為兵民徙而糧存秋糧七百石責里甲

派貼黃梁都民黃宏道聞官請於朝蠲除之祝志

正統十四年南海賊黃蕭養作亂黃梁都賊林帝佑附之大

欖都龍眼都民多被誘脅惟黃梁都民以梁富言不從亂申志

詳梁富傳 旋攻邑城亂民附之四境奔潰指揮林興妻蘇氏率

軍婦被甲緣城拒守城賴安黃通志蘇氏傳 次年都督同知董興討

蕭養誅之餘黨平新會志

正統末盜李千戶來攻香山城城門閉者三月民有菜色黃

泗為粥以飼之子女有流離者出金贖之黃佐泰泉集

香山縣志 卷二十二

紀事

六

天順二年三月廣東副總兵都督同知翁信奏海賊四百餘

徒犯香山千戶所燒燬備邊大船其都指揮張通總督不嚴

是致失機乞正罪章下都察院請逮問如律別委武臣代之

上令殺賊贖前罪十二月陞廣東備倭都司指揮同知張通

按察司僉事謝璫及官軍十人俱一級一百二十五人賞有

差以新獲海賊故也郡國利病書 祝志云黃佐志成補闕

天順二年三月廣東副總兵都督翁信奏海賊四百餘徒犯香

山千戶所燒燬備邊大船備倭都指揮張通坐失機殺賊贖

罪由此言之吾邑海嶼孤絕盜寇易犯不可不防也今預備

糧以備軍旅警戒無虞其在茲哉因賦此簾前雙燕舞薰風

階下葵花向日紅山邑若能留鄧令

海船何事用張公 鄧令謂鄧遷

七月海賊嚴啟盛寇香山東莞等處巡撫右僉都御史葉盛
討平之郡國利病書 先是啟盛坐死囚漳州府越獄聚徒下海為
患敵殺官軍拘留都指揮王雄至廣東復殺總督備倭都指

揮杜信至是招引蕃舶駕至香山沙尾外洋盛廉其實會同鎮守廣東左少監阮能巡按御史呂益命官軍駕大船衝之遂生擒啟盛餘黨悉平

粵大記

正德十二年寇掠烏石孝子容師偃代父死

據明史容義傳詳容師偃傳

順德增城香山諸村晝農夜盜僉事王大用令自別所業長

正互覺游手橫暴者卽繩之搜獲真盜三千有奇督府稱其

不用一旅剿功甚多上聞嘉獎

蔡方炳廣輿記載此事無年代郝通志職官正德十二年

王大用任僉事故附錄於此 祝志

正德中奸民與畚蠻

祝志云閩潮人逃叛流亡就地墾荒者謂之畚蠻畚兵之名見元史卽此類

盜採雞拍村銀礦畚蠻嶺海隨處皆有之以刀耕火種爲名

者也衣服言語漸同齊民然性甚狡黠每田熟報稅與里胥

爲奸里胥亦憑依之近海則通蕃入峒則通獯凡田潭礦場

香山縣志

卷二十一

紀事

七

有利者皆糾合爲隱以欺官府其害惜於甲兵廣惠雷廉罹

其毒螫而事不發者里胥庇之也惠之歸善海豐廣之從化

香山皆有銀礦畚蠻招集惡少投托里胥假爲文移開礦取

銀同行劫掠香山恭常都雞拍村銀涌角宋初產銀取上供

屬廣州宜祿場

祝志云文獻通考嶺南諸軍產銀者三場五十一宋史食貨志廣州有大利宜祿等場

大觀中廣東廉訪使黃烈奏言礦內脈苗微甚而浮冗之人

以納官爲名發毀民田騷動邀販詔罷宜祿場令官封之違

禁者誅逾三百年人無敢發者至是順德豪民勾引勢家糾

集逃叛及白水賊徒捏朝旨執照開礦採煎村民初猶拒之

其後力不能勝盡被屠戮而淫其妻女使供炊爨每歲得銀

漸至千餘兩嘉靖甲辰苗脈已盡賊徒乃散然其地雞犬桑

柘亦俱盡矣邇來海氛滋多皆此類

郡國利病書

暹羅占城瓜哇琉球淳泥諸國互市俱在廣州設市船司領

之祝志云郝通志洪武初立市船提舉司永樂四年置懷遠

語香山故有澳名曰浪白正德時移於高州之電白縣明史

傳廣百餘里諸蕃互市其中正德時移於高州之電白縣明史

郎機始入貢請封已而黃緣中貴請入京其留懷遠驛者掠

買良民築室立寨為久居計十五年御史何鰲言佛郎機最

兇狡兵械較諸蕃獨精前歲駕大船突入廣會城礮聲殷地

留驛者違制交通入都者桀驁爭長今聽其來往貿易勢必

爭鬪殺傷南方之禍殆無紀極祖宗朝貢有常期禁防有常

制故來者不多近因布政吳廷舉謂缺上供香物不問何年

來即取貨致蕃船不絕於海滙蠻人雜還於州城禁防既疎

水道益熟此佛郎機所以乘機突至也乞悉驅在澳蕃船及

蕃人潛居者禁私通嚴守備嘉靖二年佛郎機寇新會之西

草灣指揮柯榮百戶王應恩敗之得其礮即名佛郎機副使

任鏐進之朝九年鏐請以所進佛郎機用之鑿臺城堡從之

明史外

香山縣志卷二十二 紀事

按疏中所言驅在澳蕃船乃言浪白澳非蠟鏡澳也

蠟鏡往夷始於嘉靖隆慶

有言粵文武官俸多以蕃貨代請復通市給事中王希文力

爭之王希文重邊方以甦民命疏臣竊惟天下之務莫急於

力役之竭莫甚於東南臣謹以耳目所見聞者披瀝言之且

如蕃船一節東南地控夷邦而暹羅占城琉球瓜哇淳泥五

國貢獻道經於東莞我祖宗一統無外萬邦來庭不過因而

羈縻之而已非利其有也故來有定期舟有定數比對符驗

以下諸國來朝貢時多帶貨物官給鈔買其載在祖訓謂自占城

年阻至洪武十二年方且得旨請諳然垂戒也正德間佛郎

機匿名混進矣至省城擅違則例不服抽分烹食嬰兒擄掠

男婦設柵自固火銃橫門大羊之勢莫當虎狼之心叵測賴

有前海道副使汪鏐併力驅逐肆我皇上臨御威振絕域邊

境輯甯凡俘獲敵酋悉正極典民間稽顙稱慶以為蕃船之

害可永絕而疆圉之防可永固也何不踰十年而折俸有缺

貨之歎矣撫按上開復之章矣雖一時廷臣集議不為無見

然以祖宗數年難阻之敵幸爾掃除守臣百戰克成之功一

布朝廷威德設有如佛郎機者冒進為患則將何以處之乎

其間守巡按視煩煩官軍按察居民騷擾耕樵俱廢束手無為
魚鹽不通生理日困皆不足論以堂堂天朝而納此輕瀆之
貢治之不武不治損威誠無一可者臣竊仰陛下控馭西北
諸夷恩威並用誠若知其跋扈之狀必不輕從此議也幸今
蕃船雖未報至然守備已先戒嚴制擄民船海島生變邊釁
重大誠為可憂如蒙皇上重威守信社漸防微乞敕部院轉
行巡按除約東備倭不致侵擾外仍乞申明祖宗舊制凡進
貢必有金葉表文來者不過一舟舟不過百人附搭貨物不
必抽分官給鈔買頑民不許私相接濟如有人貨兼獲者全
家發遣則夷貨無售其私不待沮之而自止矣蕃船一絕則
備倭可以不設而民以聊生鹽
課可通而瓊儋之利皆集矣
蕃船禁絕
澳門略
巡撫林富上
言粵中公私諸費多資商稅蕃船不至公私皆窘今許佛郎
機互市有四利祖宗時諸蕃常貢外原有抽分之法稍取其
餘足供御用利一兩粵比歲用兵庫藏耗竭藉以充軍餉備
不虞利二粵西素仰給粵東小有徵發即措辦不前若蕃船
流通則上下交濟利三小民以懋遷為主持一錢之貨即得
展轉販易衣食其中利四助國裕民兩有所賴此因民之所
香山縣志卷二十二 紀事 九

利而利之非開利孔為民梯禍也從之祝志 邑人黃佐議往者蕃

船通時公私饒裕議者或病外蕃閩境之虞夫暹羅真臘瓜

哇三佛齊等國洪武初入貢方物未有敢為寇盜者佛郎機

來自西海其小為肆侮夫有所召之也當事上其言海禁遂

開祝志云明沈德符野獲編謂市易之制從古有之而宋

之南渡其利尤溥我朝書生輩不知軍國大計動云禁絕通

蕃以杜寇患不知閩廣大家正利官府之禁為私估之地如

嘉靖間閩浙遭倭禍者皆起於豪右之潛通島夷始不過買

易牟利耳繼而強奪其寶貨漸不與直以故積憤稱兵巡撫

朱執論之詳矣今廣東市舶公家尚收其羨以助餉若閩中

海禁日嚴而濱海勢豪全以通蕃致富素封頻年閩南士大夫

亦有兩種議論福興二府主絕漳泉二府主通各不相下則

何如官為之市情法可並行也云云夫利權不在官必在民
在官則不肖吏恆以貪旨失國體在民則法所不能盡施然
與其滋生事端固不如官為之制猶得以因事裁抑之也且
病互市者病逐臭夫辱國耳顧海禁雖嚴而奸民鬻利亦必
結不肖吏為護符誠有如明史所云伴禁而陰許之者禁愈
嚴計愈狡法愈無用則辱國不愈甚乎故達時勢者為不得
已計恆主通而不主絕也其後黃緣入澳則事所不料者盤
踞漸深爭議驅逐張鳴岡獨以許住澳為易制夫亦謂市有
常地例有常條因時勢議安置耳然疑者自是益甚矣夫業
夷雜糅誠屬可慮而繩拘尺限未嘗不可杜他虞考嶺南舊
記云澳門皆鬼子所居無漢人則國初之防範圍嶺南舊

久法弛漢人且寄其宇下偶有景端
苟求無事於是夷人有輕視心矣

嘉靖元年新會羣盜起引倭寇黃梁都沿海民多遭殺掠十
年始平之志

十四年指揮黃慶納賄請於上官移電曰互市於濠鏡歲輸
課二萬金明史外國傳 祝志云澳地歲租銀五百兩縣徵

別澳有地租始始於萬曆時此云歲輸課二萬金蓋船課也
彭昭麟嶺南草澳門紀事詩序亦云澳夷出洋之船歲輸船
稅二萬貨物三十二年蕃舶託言舟觸風濤願借濠鏡地暴
聽彼國抽分

諸水漬貢物海道副使汪柏許之初僅芟舍商人牟利者漸
運瓴甃棧桷為屋澳門記畧佛郎機遂得混入高棟飛甍櫛比相

望閩粵商人趨之若鶩久之其來益眾諸國人畏而避之遂
專為所據至築室建城踞海畔若一國然將吏不肖者反

視為外府明史外國傳 祝志云澳城之建年
月無確證諸書所載大率在嘉靖時

香山縣志卷二十一 紀事 十
二十五年知縣鄧遷以三竈餘田歸官備賑申志 詳積貯初既虛

三竈地其田永不許耕正德中南海勢家以新會虛稅影佔
亡命之徒附之招合畚蠻立為十里聚眾盜耕嘉靖十五年

該都里排贖為已業已而有錢備者素通蕃舶恃強冒奪與
畚蠻霸耕偽立文案與里排分上下圍管業至是鄧遷申明

上司丈量餘田歸官收租貯預備倉里排與通緝畚蠻仍復
侵據號召海寇大為民害郡國利 病書

二十六年知縣鄧遷清釐寄庄積弊祝志云鄰縣糧戶在縣
屬編徵者謂之寄庄

寄庄人戶吾廣各縣皆有之而奸詭推避不畏法度者惟香
山而已香山田糧二萬二千有奇順德新會番禺南海寄庄

者八千餘先是嘉靖元年知縣袁鏞請添設順德新會番禺
九都圖人戶自為里甲委官林應驄查議并令寄庄錢糧各

縣徑自徵解十四年知縣黃正色再請水夫差役諸項亦如之巡按戴璟如所請後仍通負纍纍水夫料價及上納本縣豐盈倉撥解梧州預備倉各銀米俱成懸項九里長亦恃頑不著役二十四年知縣言於巡按陳儲秀始檄里長如令又巡按案驗各倉糧米寄庄者盡數起運有不敷始以香山額糧湊抵司府雜辦寄庄者盡數撥解有不敷始以香山丁糧湊編而此輩頑詭實甚與里胥為奸貯縣黃冊故行毀棄僅存嘉靖二十一年所編者失額之糧多至一百餘石縣屬人民又飛詭姓名冒入寄庄田籍雖可稽查催徵實無承認此類又殆將百十餘戶其就各縣輸納之項亦不批解至是鄧遷請按依舊例挨圖派役分管諸項各縣人役仍編令收解各倉糧米上司柴薪悉如前款其料價則以各都所缺無礙

香山縣志卷二十二

紀事

十一

銀追納抵解陸續補還其飛詭諸弊則以本府黃冊核正其各縣見貯各庄錢糧則關取回縣如例支解給發及存留

寄庄之弊非病民則病官由縣屬里甲派徵則道里隔而疲玩多投納無憑民代比追矣令各縣立戶編徵則稽核難而欺隱易解銷既迫官受賠累矣今土著有排年之法則投櫃按期以有殷丁之可問也且排年私派無總領之人則懸糧積歲以無殷丁之可問也且排年私派無總領之人則懸糧積歲以既殊飛詭又便故豪民富戶轉寄糧順新客籍借為遁逃其弊又將有不可勝言者竊謂當兼準民稅屯稅之法而變通之承催擇殷戶而輸納不必盡由殷戶此屯稅之法而參以民稅者也殷戶願承催始歸殷戶編徵其不願者則另款差徵此民屯之法而參以屯稅者也亦清楚之一道矣且寄庄之弊弊在稅尤弊在田昔人謂香山沙田其利頗多豪右寄庄者巧立名色指東為西母子相連則橫截而奪之往往構訟至於殺人此輩又大抵皆有力之家餽於田邊築壩以致對岸之田衝刷崩沒則亦爭鬪不平多生事端故釐稅之弊誠為要圖釐田之弊尤為急務也

祝志

三十三年古鎮土賊囚其百戶尙瓊署新會縣廣州通判汪應奎陰令百戶吳相以計斬賊首惡二十八人從亂者稍息

時陳文伯煽飢民爲亂擁眾海上

新會志

嘉靖末黃梁都土寇結倭寇爲亂禍甚慘萬厯間乃定

祝志

嘉靖末蕃寇大舉鄰邑被侵聚百十艘將攻邑城知縣陳揖

運籌堅守雉堞皆置兵鳴桴往來不絕賊莫測多少薄暮率

文學龍納言數人躬自巡督每堞必懸三燈時復出奇發礮

曄曄若震電賊皆喙息窺伺旬餘遂引去

泰泉集

隆慶初葡萄牙國人抵粵東香山縣之濠鏡

原注

澳門請隙地建

屋歲納租銀五百兩置臣林富代請許之葡萄牙人遂立埔

頭於澳門是爲歐羅巴國通粵東之始其後西班牙荷蘭接

踵東來佛郎西英吉利繼之葡萄牙所立小西洋東南洋埔

頭咸被侵奪僅餘澳門一處爲諸國之逆旅

徐繼畲瀛環志畧

瀛環志略云粵東之居夷自葡萄牙之居澳門始維

香山縣志卷二十一 紀事

三

時尙方珍玩皆取辦於粵或不時給輒爲中涓所辦

適葡人有澳門之請當事利其居積貨寶便於供辦

又所謂歐羅巴者爾時不知爲何地以爲不過南洋

諸夷之類一枝暫借無足輕重非必貪其五百金之

利也葡萄牙本西洋小國得此奧宅如登天上以其

餘資廣築樓館綿互大厦歐羅巴諸國來粵者倚爲

東道主人其留粵收逋欠者皆租其房屋久居不去

諸夷之浸淫狎熟於粵東則由澳門爲之權輿也林

富一代名臣而謀國之疎如此語云涓涓不絕將成

江河可不慎哉又云葡萄牙初至澳門其本國商船

來者甚眾極爲饒裕迨後印度南洋各埔頭多爲諸

大國所侵奪本國估帆遂至絕跡生計日益貧窘僅

以租屋爲養命之源其居澳者長子孫已數百年粵人謂之士生仔生齒旣繁憂貧特甚又云澳門之夷俗呼爲大西洋又稱爲意大里亞當其初來中國不詳其部落之名謂彼從大西洋來則稱爲大西洋而不知葡萄牙之在大西洋不過滕薛之類也至稱意大里亞則以意大里亞爲彼土一統之朝猶之稱中國爲漢人唐人耳又利瑪竇南懷仁之屬以厯學名中土皆意大里亞之羅馬人而其來也皆居澳門訛誤相沿有自來矣

按祝志載佛郎機入澳謂在嘉靖年間又云 國初居澳盡西洋人無復爲佛郎機者其初來時代及澳爲何國納租皆闕如今旣全載瀛環志略語復詳攷

之魏源海國圖志云俗呼澳夷爲大西洋澳門記畧又以澳夷爲意大里亞胥誤澳夷乃布路亞人亦稱葡萄牙國其市埠兵船礮臺洋樓歲輸地租皆布路亞主之其法王則從意大里亞來耳明世佛郎機會築室濠鏡後亦棄去今之澳夷乃明末布路亞人以厯法聞中朝禮部尙書徐光啟奏用其法并居其人於澳門至今相沿呼澳夷爲大西洋其實大西洋者歐羅巴洲諸國之通稱澳夷特其一種不得獨擅也今攷明史意大里亞傳萬厯三十九年五官正周子愚等言大西洋人龐迪我等利瑪竇弟子深明厯法欲令翰林院檢討徐光啟等同譯其書疏入留中崇禎二年禮部尙書翁正春請仿洪武初設回回厯之例合

迪我開局測驗光啟督之則善歷者乃意大里亞又稱大西洋人魏源以爲布路亞人亦誤也然歷既著西法則凡大西洋人或多能之不必專屬意大里亞耳顧史無居其人於澳之文萬曆九年意大里亞利瑪竇等始至澳入閩至金陵出其渾天儀諸法留都臺省咨送入京不果用崇禎末乃用其徒法歷成而明亡居其人於澳實無可證若其人自居澳則有之蓋卽瀛環志略所稱諸國倚爲東道主者耳至二國俱從大西洋來卽可稱大西洋人或俱精歷法而澳夷則實布路亞人其說固可據也觀萬曆四十四年徐如珂斥意大里亞人王豐肅等邪說惑眾謂往來澳鏡與蕃通謀遣赴廣東聽回本國則意大里亞非

卽澳夷可知或謂葡人租澳其時佛郎機亦據澳未嘗去至天啟元年尙有在青洲築城之舉不知史但稱佛郎機混入云爾葡人旣納租於朝則佛郎機亦當託其宇下况雜處者尙有諸夷乎瀛環志略言葡人租澳在隆慶初年月無可攷又稱置臣林富所請攷阮通志林富乃嘉靖八年巡撫任則代葡人請澳當在上言許佛郎機互市之時以爲隆慶恐非又按陳倫炯海國見聞錄澳夷本葡萄牙人卽大西洋於中國爲丙午丁未方絳鬚環耳衣西洋布大領小袖纏腰裹白頭故名曰白頭蕃奉天主教大西洋那嗎乃天主教王處尊其教者干絲臘西班牙葡萄牙黃旗爲最而關之者惟英圭黎一國卽英吉利紅

毛亦西洋蕃因白頭蕃先住澳門人稱爲西洋蕃故
荷蘭佛蘭西英圭黎各因黃旗諸夷另稱紅毛以別
之諸夷於中國爲辛戌乾方

隆慶六年流寇許進美劫掠古鎮祝志

萬曆八年老萬山賊肆劫海防同知周希尹遣兵平之先嘉

靖己巳賊據老萬山爲害海道林懋舉令備倭指揮孫敖征

之遁去後復聚劫掠船隻至是希尹遣兵破其穴而還新安志

九年意大里亞國人利瑪竇始汎海九萬里抵廣州之香山

澳由澳門轉入八閩至金陵出其渾天儀量天尺勾股舉重

算法留都臺省並其徒龐迪我等咨送入京不果用澳門記

志云明史意大里亞居大西洋中奉天主耶穌教自利瑪竇
至香山後其教遂沾染中土萬曆二十九年入京師三十八
年卒於京其年十一月朔日食歷官推算多謬朝議將修改
明年五官正周子愚言大西洋歸化人龐迪我熊三枚等深

香山縣志卷二十二 紀事

五

明歷法所構歷書當令譯上以資採擇禮部侍郎翁正春等
請倣洪武初設回回歷科之例令龐迪我等同測驗有王豐
肅者居南京以天主教惑眾禮部郎中徐如珂惡之其徒又
自誇風士人物遠勝中華如珂乃召兩人授以筆劄各書所
記憶悉舛謬不相合乃倡議驅斥四十四年與侍郎沈淮給
事中晏文輝合疏斥其邪說惑眾且疑爲佛郎機假託乞急
行驅逐禮科給事中余懋學亦言自利瑪竇東來中國復有
天主之教留都王豐肅陽瑪諾等煽惑羣眾不下萬人朔望
朝拜動以千計夫道蕃左道並有禁令夜聚曉散一如白蓮
無爲諸教且往來濠鏡與澳中諸蕃通謀而所司不爲遣斥
國家禁令安在帝納其言遠赴廣東聽還本國久之不行四
十六年迪我等奏乞寬假不報乃怏怏而去王豐肅尋變姓
名入南京行教如故其國善制礮視西洋更巨內地華人多
效之而不能用天啟崇禎間東北用兵召澳中人人入都令將
士學習其人亦爲盡力

二十六年八月初五呂宋徑抵濠鏡澳住舶索請開貢督撫

司道謂其越境違例議逐之澳蕃亦謹守澳門不得入九月

移泊虎跳門言候丈量十月又使人言已至甲子門舟破趨

還遂就虎跳門結屋羣居不去海道副使章邦翰飭兵焚其

聚落次年九月始還東洋或曰此閩廣商誘之使來也郝通志

二十七年四月稅使李鳳至粵郝通志議駐節香山知縣張大

猷力陳不可事遂已未幾附瑞者羅織邑民瑞命私人來逮

大猷婉却之他縣人報雞拍諸山有礦可採瑞招集亡命踞

諸山淫掠大猷白制按立擒首惡置之法申志詳張大猷傳

自佛郎機市香山據呂宋按皇清職貢圖呂宋萬曆中為佛郎機所并多僑居香山澳門貿易

易居呂宋者長身高鼻貓睛鷹嘴服飾與大小西洋畧同和蘭聞而慕之案明史和蘭又名紅毛蕃

十九年駕大艦攜巨礮直薄呂宋呂宋人力拒之則轉薄香

山澳澳中人數詰問言欲通貢市不敢為寇當事難之稅使

李道卽召其酋入城遊處一月不敢聞於朝乃遣還澳中人

慮其登陸謹防禦始引去明史外國傳

三十四年佛郎機又於隔水青洲山建寺高六七十丈閎厥奇

香山縣志卷二十二紀事夫

閩非中國所有知縣張大猷請毀其高墉不果祝志云舊通志邑志職官

張大猷萬曆二十九年任三十三年已有接任者此事在三十四年俟考或舊志之譌也明年番禺舉人

盧廷龍會試入都請盡逐澳中諸蕃出浪白外海還我濠鏡

故地當事不能用蕃人既築城聚海外雜蕃廣通貿易至萬

餘人更其土者皆畏懼莫敢詰甚有利其實貨陽禁而陰許

之者總督戴耀在事十三年養成其患明史外國傳知縣蔡善繼

甫履任卽條議制澳十則上之未幾澳弁以法繩夷目夷謹

將爲變善繼單車馳往片言解縛悍夷至堂皇下痛笞之故

事夷人無受笞者善繼素廉介夷皆信之故帖息後總督何

士晉采其言下令隳澳城臺澳門記畧蕃人又潛匿倭賊敵殺官

軍四十二年總督張鳴岡檄蕃人驅倭出海明史外國傳海道俞

安性追散倭奴凡九十八人還國申志祝志云申志事在四十四年一蓋二之譌

張鳴岡因上言粵之有澳夷猶疽之在背也澳之有倭賊猶
虎之傳翼也今一旦驅斥不費一矢此聖天子威德所致惟
是倭去而蕃尚存有謂宜剿除者有謂宜移之浪白外洋就
船貿易者顧難輕動而濠鏡在香山內地官軍環海而守彼
日月所需咸仰於我一懷異志我卽制其死命若移之外洋
則巨海茫茫奸宄安詰制禦安施似不如申明約束內不許
一奸闖出外不許一奸闖入無啟釁無弛防相安無患之爲
愈也部議從之明史外國傳 祝志云夷人居澳者數百年
來時有縱恣地方官所以制之者率絕其口
廢當以張鳴岡之言爲至計復奏請就其聚廬大街中貫四
維各樹高柵榜以畏威懷德分左右定其門籍以旅葵明王
慎德四譯咸賓無有遠邇畢獻方物服食器用二十字分東
西各十號使互相維繫譏察毋得容奸一聽約束皆用海道

香山縣志卷二十一 紀事

七

俞安性之議也澳門記畧 祝志云申志載此事在俞安性
追散倭奴之前但云萬厯中不詳何年據俞

安性後所條禁約內有仍前畜養倭奴之文此事與立禁勒
石相連則事在驅倭之後無疑自以澳門記畧所載爲得其
序

次俞安性立禁款行縣約束澳夷或謂必驅逐以清疆宇或
行縣檄畧澳夷驕悍不法

謂移之浪白外洋不容盤踞念諸夷生齒繁衍不忍其累累
若喪家之狗巡澳日申以國威皆耳向化因摘其犯順五
款行縣約束免其驅徙一禁畜養倭奴凡新舊澳商敢有仍

前畜養倭奴順搭洋船貿易者許當年應事之人前報嚴拿
處以軍法若不舉一併重治一禁買人口凡新舊夷商不
許收買唐人子女倘有故違舉覺而占恡不法者按名追究

仍治以罪一禁兵船編餉凡蕃船到澳許卽進港聽候丈
抽如有拋泊大調環馬騮洲等處外洋卽係奸刁定將本船
人貨焚戮一禁接買私貨凡夷趁貨物俱赴省公賣輪
餉如有奸徒潛運到澳與夷執送提調司報將所獲之貨

盡行給賞首報者船器沒官敢有違禁接買一併究治一
禁擅自興作凡澳中夷寮除前已落成擅遇有壞爛准照舊式
修葺此後敢有新建房屋添造亭舍擅詳奉總督巡撫勒石
興一土一木定行拆毀焚燒仍加重罪

承爲遵守申志 祝志云驅倭後萬厯四十二年
勒禁自在驅倭後萬厯四十二年

萬厯間三竈沿山居民相聚爲盜官兵追捕旋匿旋出黑山

弁兵不能禦又不諳正音難以化導東澳人周高揚者鐵匠

也驚器於其市習其人通其語徭眾悅之巡海官至則高揚

為宣諭俗漸革奏授高揚為密官撫其地世其職入覲加授

宣武將軍崇禎元年卒子德顯襲 國朝仍之德顯卒子復

東襲復東卒子嘉謨襲嘉謨卒子坤襲乾隆三年坤卒四年

奉裁是年置鹽場大使於三竈祝志 按徭官署在春花園內久圮

海道副使其屬有海防同知與澳夷約惟海防同知命澳門記畧

天啟元年守臣慮其終為患遣監司馮從龍等毀其所築青

洲城蕃亦不敢拒明史外傳時徐如珂署海道副使澳夷奔告

紅毛將犯香山請兵請餉請木石以繕垣墉如珂昌言於兩

府曰此澳夷嘗我也已而夷警寂然而澳夷日築百丈如珂

遣中軍領兵戍澳諭之曰垣墉不毀澳人力少也吾助若毀

香山縣志 卷二十二 紀事 六

不兩日葺除殆盡夷相視喏曰是故為南祠部郎逐我王豐

肅者自是稍戒心祝志云阮通志萬曆四十六年徐如珂任

毀澳門時二人蓋共事者明史及澳門記畧特分載之又案

澳門記畧總督何士晉以蔡善繼言下令隳澳城臺阮通志

職官表何士晉萬曆三十四年任三十八年張鳴岡接任申

志職官蔡善繼萬曆三十六年任四十二年羅繼宗接任則

隳城之令在馮從龍等蓋蕃人本求市易初無不軌謀中朝

之前蓋下令而未果也疑之過甚迄不許其朝貢又無力以制之故議者紛然終

明之世此蕃固未嘗為變也明史外國傳 祝志云蕃人雖

懷德嘖嘖稱好官第華人役於利牙行販商趨奉甚於奴婢

偶有縱恣地方官嗜貨曲從是以有輕視中朝之意今紅毛

傲居澳中已為盤踞之漸其人尤强悍敢為不法吏茲土者

誠每事為國體計裁抑有道控馭有方庶可無意外變焉崇禎七年甲戌夏閩寇劉香掠廣東六月十五日從虎跳門入掠新會江門二十日出厓門掠黃梁都祝志崇禎中和蘭與香山佛郎機通好私貿外洋十年駕四船由

虎跳門薄廣州聲言求市其酋招搖市上奸民視之若金穴
蓋大姓有爲之主者當道鑿濠鏡事議驅斥或從中撓之會
總督張鏡心力持不可明史外國傳

十五年春正月小欖寇起鄉兵解賊赴縣要而戮諸海於是
血飲入市捧刀列戟而前呼火傳兵相屬愚民多應之何吾
騶告急知縣顧其言集兵迅下討平之何吾騶顧侯公繪靖濤溪序

十六年癸未新會沙岡賊張酒尾那伏賊關逢三嘯聚百峯
山古兜山黃梁都與古兜鄰時警備明年張關二賊誅而餘

黨猶擾祝志

國初居澳盡西洋人無復所爲佛郎機者順治元年

命用西洋歷法澳中精於推算者時時檄取入監澳門志

順治二年乙酉十一月十四日白旗賊黃信林能船數十艘

香山縣志卷二十二紀事 九

劫海洲祝志

三年社賊起原注云以奴音主結社倡亂謂之社賊亦謂之僕賊始自順德冲鶴堡延

及諸縣邑諸村所在多有古鎮以馮春隆馮大倫爲首海洲

以劉基廉爲首是年攻海洲明年駕船寇外洋

五月賊船三百餘艘掠石岐六月復掠西門外

四年正月蕉園外海四姓賊船千餘艘謀劫縣知縣劉起鳳

督兵却之掠西門外及圓山仔長洲而去俱同上

設前山寨官兵叅將領之如故而王入粵增設兵領轄左右

營澳門志

九年二月官兵討馮春隆馮大倫餘黨復寇海洲鄉人力戰

禦之祝志

十一月饑賊梁子直爲亂以催科迫故也城陷知縣張令憲

死之數日 大兵至殲焉

十二年七月海洲賊劉基廉復申社盟時鄉人袁文煥官雷協水師右營分防新會北街領哨船回詰香山司巡檢施其信亦來責問里甲以賊勢悍姑聽盟而揭於縣未幾誅基廉黨亦散

康熙元年賊鄭錦猖獗

命內大人科爾坤介山巡視

海濱居民令徙內地五十里賑貧民之不能遷者郝通於是

黃梁都沙尾北山奇獨澳黃旗角潭洲諸鄉皆遷官折界期

三日貧無依者不能遽如今五月夷其地俱同上

以撫標汰兵增入前山寨額分成縣城澳門

二年十二月番禺市橋蛋賊周玉李榮寇海洲原注云鍾瑞

榮皆番禺蛋民所轄船數百平藩尚可喜以其能習水戰委以遊擊之任過警輒調遣防護水鄉賴以安輯自康熙王

香山縣志 卷二十二

紀事

三

寅嚴海禁於是盡製其船分泊港汊遷其擊屬於城內鴨欄之性不堪籠繫詐歸葬出海糾合亡命癸卯十一月連檣抵洲前盡焚汎哨廬舍復破馮大倫餘黨乘機由陸路焚劫三

日祝志

三年甲辰春續遷番禺順德新會東莞香山五縣沿海之民

先畫一界以繩直之其間多有一宅而半棄者有一室而中

斷者濬以深溝別為內外稍踰跬步死即隨之鰲於是龍眼

都小欖古鎮黃圃諸鄉皆徙督遷兵士恣俘掠知縣姚啟聖

力爭之乃稍戢初黃梁都民奉遷時民多戀土都地山深谷

邃藏匿者眾平藩左翼總兵班際盛計誘之曰點閱報大府

即許復業愚民信其然際盛乃勒兵長連埔按名令民自前

營入後營出入即殺無一人倖脫者復界後枯骨遍地土民

叢葬一阜樹碣曰木龍歲塚木龍者甲辰隱語也祝志

布政使郭一謬禁雜派同

前山寨設副將增置營員

員數兵數俱詳營制 澳門記略

四年巡海使者至廣東設沿海墩臺

郝通志

自元年以來大臣

歲來巡界以臺灣未平故也是年前總督李率奏遺疏請寬

邊界其畧曰臣先在粵粵民尚有資生近因遷移以致漸漸

死亡十不存其八九為今之計雖不復其室家但乞邊界稍

寬則耕者自耕漁者自漁可以緩須與死瀕海民至今德之

與巡撫王來任同祠祀焉

祝志

五年海賊龔翠微鄉人韋元懿禦之

大清一統志 詳韋元懿傳

七年遷民結黨為亂三月巡撫王來任上展界之議其畧曰

東粵負山面海疆土原不甚廣今概於海濱之地一遷再遷

流離數千萬之民歲棄三千餘之賦地遷矣又在在設重兵

香山縣志 卷二十二 紀事

三

以守其界築墩臺樹柵欄歲必修葺所費不貲錢糧工力皆

出之民其遷者已苦此離未遷者又愁科派欲民生不因其

可得乎請即弛禁招民復業腹內之兵撤駐海沿以防外患

則國用可漸補土地不輕棄而民生更有裨也如謂遷棄

之地小而防禦之事大臣思設兵之意以捍封疆而資戰守

今海寇侵掠乃縮地遷民棄門戶而守堂奧臣未之前聞也

臣撫粵二年有餘亦未聞海寇大擾所有者仍被遷逃海之

民相聚為盜今若展其邊界即盜亦可弭矣

祝志先是遷者委居捐產流離失所而周李餘黨乘機剽掠巡撫王來任安插

賑濟存活甚眾以病卒於粵遺疏極言其狀臚及御史楊雍

建條奏 詔可之遣都統特某副都統魯某戶部侍郎雷某等會同平藩尙可喜總督周有德巡勘議撤排柵改設

各汛墩臺郝通志

副將以海氛請移保香山留左營都司及千總守寨建土城

分把總哨戍關閘何準道曰康熙七年秋海賊從寨右登岸

扼寨之地武備損秋海賊從前山寨登岸攻劫果福園副將

移駐縣城申志

八年己酉春二月詔復遷海居民舊業郝通志惟黃旗

角潭洲黃梁都沙尾奇獨澳未復時潭洲黃旗角兩鄉人赴

督撫轅哀控知縣曹文燴堅執前議黃梁都亦格於寨議俱

不果申志

禁開天主堂入教澳門記畧

議陞縣為州轄順新諸邑申志食貨志序祝志云陞州之

採申良翰之論無年月可證申志成於康熙十年故附錄於

此申良翰曰聞之養民之道在去其害民者而已寄庄九畝

香山縣志卷二十二紀事

貽累土著魚鹽諸利盡歸勢要區區小邑石田鹵淤為利幾

何利則奪之害則貽之民何以堪議者謂宜陞縣為州使轄

新順諸邑然而畫疆分治歷數百年驟議變更亦非通達國

體之論今香山戶口凋殘初遷續遷之土田未盡展復賦稅

遠不逮舊額本富之業山澤之產不為民利而反為民害欲

大去其害民者而形或格之勢或禁之嗚呼亦盡吾力所能

為而已

十二年知縣申良翰修蓮花莖閣旁增官廳以資戍守阮通志

十五年五月朔撫賊陳器瑜率海寇攻邑城知縣申良翰副

將白色先禦之十二日援兵至賊始遁祝志參暴志詳

按暴志壇廟載康熙十三年海寇攻城祝志着壽何
鴻昇傳亦作甲寅甲寅十三年也但色先十四年任
則非十三年可知今改正
十六年七月海寇鍾吉生夜劫翠微村把總鄭九瓊死之暴志
詳鄭九瓊傳

十八年十月海寇突至石岐焚劫汎响暴志

十九年庚申三月賊謝昌寇海洲初十五年吳逆令偽將馬

雄等攻新會平藩遣標員謝厥扶番禺市橋人等以舟師禦之厥

扶陰自納款平藩子尙之信以被廢不得志矯父命與賊連

和踰年之信歸正厥扶抗兵不從高州叛總兵祖澤清殺之

以贖罪其子昌與其下李積鳳挾殘黨走海陵流劫沿海村

落至是來寇海洲擄男婦百餘人官兵追勦至海陵獲所擄

歸之八月又寇海洲鄉人乃塹而守焉祝志參郝通志

二十三年西南諸鄉遷民盡復業初諸鄉久遷未復田盡荒

廢自十五年尙之信叛從吳逆遂開界墾荒令民耕蒔十七

年催收王庄稅穀十八年縣寨官兵督遷焚寮刈稼十九年

縣徵前十八年虛稅追呼不堪命至是民歸故土地方官令

香山縣志卷二十二 紀事

民插標清丈民始安業祝志

二十四年開南洋禁蕃舶來粵牙行主之所謂十三行也皆

起樓榭爲夷人居停所貨守船中貨盡限日出境惟澳夷無

來去期自與香山縣牙行互市設立旗員防禦一駐大關一

駐澳門每年請將軍衙門選員彈壓阮通志祝志云旗員

督孫士毅所奏向例云云不詳始自何年考康熙二十向海禁

甚嚴互市止許肩挑後許小船運載澳關係布政司委三司

首領及一千總轄之少收其稅甚有利故競鑽營今通洋設

立海關則利歸公上矣嶺南雜記

五十六年以碣石總兵陳昂言申入教之禁澳門記畧祝志云陳昂疏言

天主一教設自西洋令各省設寺招集匪類此輩居心叵測

目下廣州城設立教堂內外布滿加以同類洋船叢集安知

不交通生事乞教早爲禁絕查康熙八年奉旨天主

主教除南懷仁等照常自行外各省嚴行禁絕但日久法弛

再行嚴禁
詔從之

禁商船出賣南洋明年復以澳夷及紅毛諸國非華商可比聽其自往呂宋噶囉吧但不得夾帶華人違者治罪同覆准

澳門夷船往南洋貿易及內地商船往安南貿易准其行走大清碣石總兵陳昂言夷船入廣貿易宜起其碣火另設

關東以嚴防範凡夷船入口起碣封柁局之一舍故關例也昂故以為言不果用澳門 記畧

雍正二年定廣東沿海保題州縣巡撫年希堯奏稱廣州府屬之東莞香山新安新會順德新甯惠州府屬之歸善海豐

潮州府屬之潮陽揭陽饒平澄海惠來海陽肇慶府屬之陽江高州府屬之電白吳川石城雷州府屬之海康徐聞遂溪

廉州府屬之合浦欽州瓊州府屬之瓊山澄邁臨高會同樂香山縣志卷二十一 紀事

會文昌儋州萬州陵水崖州昌化感恩三十五州縣皆海濱要地應遴選才識勝任之員保提調補從之阮通志

三年從總督孔毓珣之請定夷船額數孔毓珣酌陳澳門等

澳門歷有年所 聖朝嘉其嚮風慕義之誠包容覆育俾得安居樂業但種類日繁惟資出洋貿易若無防範恐逐利無厭內誘奸猾外誘蕃夷漸滋多事查澳門夷船舊一十八隻從外國買回七隻共二十五隻請令地方官編列字號刊刻印烙各給票驗一張將船戶舵工水手及商販夷人該管頭目姓名填註票內出口時沿海營汛驗明掛號申報督撫

存案如有夾帶違禁貨物並將中國人偷載出洋者一經查出照通賊之例治罪地方官不實力盤查狗情疎縱事發之日照諱盜例題參革職此夷船二十五隻題定之後如有實

在朽壞不堪修補者地方官查驗明白出具印甘各結申報督撫准其補造仍用原編字號倘有偷造將頭目工匠亦照通賊例治罪地方官失察亦照諱盜例革職其西洋人頭目

遇有事故由該國發來更換者聽其更換其無故前來之西洋人概不許容留居住每年於夷船出口入口之時守口各官照票驗明人數姓名通報倘有將無故前來之人夾帶入口及容留居住者將守口各官并該管之地方文武各官照失察例議處航工水手及頭目人等俱照窩盜例治罪

夷船二十五號名目第一號映

叮嘩噶第一號
啖啖呢咕嚕嚕第三號
噶噶必啞噶第四號
啖啖呢咕嚕呢第五號
呢啖啖第六號
啖啖呢第七號
啖啖呢第八號
呢啖啖第九號
啖啖呢第十號
明啖啖第十一號
啖啖呢第十二號
啖啖呢第十三號
噶噶呢第十四號
噶噶呢第十五號
噶噶呢第十六號
噶噶呢第十七號
噶噶呢第十八號
噶噶呢第十九號
噶噶呢第二十號
啖啖呢第二十一號
啖啖呢第二十二號
啖啖呢第二十三號
啖啖呢第二十四號
啖啖呢第二十五號

按道光庚寅夷人火輪船始至廣東廠後諸船俱廢自和議成後來者既無定額亦不復編號矣

七年二月定廣東巡檢調繁之例布政使王士俊條議盜賊

香山縣志卷二十二 紀事

三

之繁必有巢穴惟巡檢易行覺察而南海之神安江浦三江
金利黃鼎五斗口番禺之鹿步菱塘沙灣慕德里順德之都
甯紫泥東莞之京山中堂缺口增城之茅田烏石香山之小
黃圃新會之沙村牛肚灣清遠之滘江濱江三水之胥江英
德之洗口象岡曲江之平圃潮陽之招甯吉安揭陽之湖口
北寨博羅之石灣陽春之古良東安之羅苛等共三十三司
於通省雜職內選擇調補三年稱職保舉擢用
雍正間外賊王扁嘯聚黃楊山乾隆初捕誅之
觀風整俗使焦祈年巡視澳門
八年禁西洋海船毋得販黃金出洋
發往外洋者照本省洋船例科稅其外洋抵澳之西洋船仍
照外洋本條科稅例

冬澳夷晏些噓刃殺澳民陳輝千總督策楞下其事夷目執
夷法庇之香山令王之正屢諭屢抗晏些噓卒伏法因上言
民夷交涉事件罪在蕃人者請明定條例依 國法論抵償

依夷法免解禁 詔以所奏著為令 策楞奏畧澳門民
年十月十八日在澳貿易民人陳輝千酒醉途遇夷人晏些
噓口角打架被晏些噓刀傷身死據縣密稟西洋夷人犯罪
向不出澳赴審今訊供之後夷目自行收管抗不交出隨稟
據夷目稟稱居澳蕃人犯法俱在澳地處治百年來從不交
犯收禁今晏些噓自應如法擬抵但交出收禁違礙本國禁
令闔澳夷日均干重辟請照向例按法處治臣等伏查夷人
居澳夷王派夷目管束夷人有罪夷目照夷法處治惟民夷
交涉事件罪在蕃人者地方官因其不肯交人出澳礙難題
達類不稟詳否亦移換情節改重作輕冀俾外結省事歷查
卷宗從無澳夷殺死民人抵償之案 案 按拿監禁恐夷情疑
懼別滋事端倘聽其收管院司不能親審礙難定案成招併
慮曠日遲久潛匿逃亡致夷人益生玩視法紀之心政體攸
關公司酌核似應俯順夷情速結為便隨飭按察使陳高翔
委廣州府知府金允彛同該縣前往諭將兇犯絞抵抑臣更
有請者化外人有犯原與內地不同澳門均屬教門服食起
居更與各夷有間照例解勘承招夷情實有不愿且兇犯不

香山縣志 卷二十二 紀事 美

出地方官應有處分若不明定條例誠恐顧惜考成易啟姑
息養奸之弊請嗣後澳夷殺死人例應斬絞夷人情願即為抵
償者該縣相驗時訊明確切由司核報督撫覆核一面批飭
地方官同夷目將犯人依法辦理一面據實奏明併抄供報
部查核 澳門記畧

乾隆四年設要缺各司巡船布政司薩哈諒請於南海之江
浦黃鼎番禺之菱塘沙灣順德之馬甯香山之小黃圃黃梁
都新會之沙村牛肚灣新甯之廣海秦惠來之神泉揭陽之
湖口十三要缺各設巡船二隻每船巡丁十二名巡緝河道

郝通志

九年呂宋駕兵船泊十字門總督策楞問布政使託庸託言
英夷國小而強呂宋國大而弱客歲為所敗恐見笑於諸夷
又不敢直至英吉利國挑戰故揚兵於此虛張聲勢耳第令
印知縣往罵之便去策遣印光任往呂宋即日去 袁子才集
按八年

英夷敗呂宋師俘五百人揚兵
虎門策令印往勒紅夷獻俘

三月呂宋駕三船泊十字門外時題授海防同知印光任奉

牒相度建署形勢至澳訊即去年所釋紅夷俘也其酋西士

古以賈書謝恩為言而意實伺紅毛圖雪恥光任留澳密白

大府許達其書旋奉檄往諭呂酋以詞之嚴正也為之心折

四月八日揚帆歸光任以諸蕃恃巨舶大礮然舟大難轉遇

沙即膠觸礁立破內地熟識海道之人貪利出口接引以致

蕃船出入漫無譏察乖控制之宜具議上請一洋船到日海防衙門檄給引

水之人引入虎門灣泊黃埔一經投行即著行主通事報明

至貨齊回船時亦令將某日開行預報聽候盤驗出口如有

違禁夾帶查明詳究一洋船進口必得內地民人帶引水

道最為緊要請責縣丞將能充引水之人詳加甄別如果殷

實良民取具保甲親鄰結狀縣丞加結申送查驗無異給發

腰牌執照准充仍列冊通報查考至期出口等候限每船給

引水二名一上船引入一星馳稟報縣丞申報海防衙門據

文通報并移行虎門及南海番禺一體稽查防範其有私出

香山縣志

卷二十二

紀事

三

接引者照私度關津律從重治罪一澳內民夷雜處致有
奸民潛入其教并違犯禁令之人竄匿潛藏宜設法查禁聽
海防衙門出示曉諭凡貿易民人悉在澳夷牆外空地搭篷
市賣毋許私人澳內並不許攜帶妻室入澳責令縣丞編入
保甲細加查察其從前潛入夷教民人并竄匿在澳者勒限
一年准其首報回籍一澳門夷目遇有恩懇上憲之事每
自繕稟免熟識商民赴轅投遞殊為褻越請飭該夷目凡有
呈稟應由澳門縣丞申報海防衙門據詞通稟如有應具詳
者具詳請示用昭體統一夷人採買鐵釘木石各料在澳
修船令該夷目將船身丈尺數目船匠姓名開列呈報海防
衙門即傳喚該匠估計實需鐵斤數目取具甘結然後給與
印照并報關部衙門給發照票在省買運回澳經由沿途地
方汛弁驗照放行仍知照在澳縣丞查明如有餘剩繳官存
貯倘該船所用無幾故為多報買運希圖夾帶等弊即嚴提
夷目船匠人等訊究一夷人寄寓澳門凡成造船隻房屋
必資內地匠作恐有不肖奸徒貪利教誘為非請令在澳各
色匠作交縣丞親查造冊編甲約束取具連環保結備案如
有違犯甲鄰連坐遞年歲底列冊通緝查核如有事故新添
即於冊內聲明一前山寨設立海防衙門派撥弁兵彈壓
蕃商稽查奸匪所有海防機宜均應與各協營一體聯絡相
度緩急會同辦理老萬山澳門虎門黃埔一帶營汛遇有關
涉海疆民夷事宜商漁船隻出口入口一面申報本營上司
一面并報海防衙門其香山虎門各協營統巡會哨月日亦應一體查報

明年六月偵報雜頸有

紅夷三舶詭言將往日本貿易不數日又三舶至光任聞大
府調集舟師分布防範八月九日皆升帆若遠揚狀俄而弗
郎西來告亟光任與統巡香山協副將林嵩令各營哨船橫
截海面且遣澳門夷目宣諭威德會日暮西南風作弗郎西
三舶疾駛入口紅夷計沮乃遂巡罷去弗郎西即佛郎機呂
宋其屬夷也世與紅毛讐稱戈海上者三年而卒以無虞者
總督策楞之畧為多澳門紀畧

十年分巡廣韶連道薛馥巡視澳門上

十一年六月二十六日 上以福建有西洋夷人倡行天

主教降敕查禁時澳門諸夷寺外別立天主堂名唐人廟誘

內地民人入教其傳教者則有林先生周世廉等十九人為

之魁以張其焰知縣張汝霖案澳門記畧張汝霖時權海防同知事密揭督撫

香山縣志卷二十二 紀事

捕之餘令自首出教封唐人廟禁各縣赴澳禮拜張汝霖奏

記畧香邑
逼近澳門唐夷誠恐易為夷教所誘密訪通邑實無此不法之徒
惟澳門唐夷雜處除夷人自行建寺不議外其唐人進教者
或在澳進教或各縣每年一次赴澳進教其在澳進教者或
變服或不變服或娶鬼女長子孫或藉資本營貿易或為工
匠或為兵役或但打邊辦來往夷人家亦自附於進教以便
交往此種倏往倏來不能查其姓名今查得林先生周世廉
等十九人林先生番名哈大噤吵住持進教寺率其子與其
徒專事傳教周世廉番名啖哆囉啞啞又呼賣雞周儼為
夷船之主出洋貿易娶妻生子此二人尤為在澳進教之魁
也其每年一次赴澳進教者緣冬至為天主堂禮拜期附近
各縣赴拜接踵間有外省人惟順德紫泥人為多既經入教
平時因事至澳亦必入寺禮拜但此種尤難踪跡前經印同
知示禁來者漸少卑職抵任復經示禁林姓旋即潛逃該寺
現係蕃兵看守夫非聖人之書為名教所必斥非王者之道
即統不尊且恐夷性之狡將滋唐匪之奸則防微宜急請將
進教寺或拆毀或封緢寺中神像經卷或焚燒或交夷人收
領已進教者許自新再禮拜者倍治罪或別於城市鄉村聚
徒傳習以左道問擬則各縣每年一次赴澳進教之弊可除
矣惟在澳進教一種有稍宜熟籌者伊等挾有資本久與夷
人交關一經迫逐狎難清理其妻室子女若合離異似覺非
情若許攜歸則以鬼女入內地其教轉易傳染應否分別辦

理其未經娶有鬼女又無資本與夷人合夥但在澳進教白
行生理者不論所穿唐衣鬼衣俱勒令出教回籍安插其有
資本合夥未娶鬼女者勒限一年清算出教還籍其娶有鬼
女挾資貿易又工匠兵役人等穿唐衣者勒令出教穿番衣
者勒令易服出教均俟鬼女身死攜帶子女回籍未回籍日
不許仍前出洋貿易及作水手出洋充當番兵應先勒令改
業至買辦通事澳夷所必需但勒令易服出教不必改業其
來往夷人之家但打鬼辦者併嚴行禁止十九人之外有未
經查出者令自首併飭夷目呈報此亦逐漸清除在澳進教
之一法也抑更有請者澳夷有必需唐人之處服其役即易
從其教非立法稽查必陰違陽奉應飭夷目及地保人等將
夷人應用唐人之處造冊具報一年一次有故更換據實聲
明則稽查較密唐夷不致混雜矣 澳門記略

十二年二月張汝霖奉督撫檄委香山司巡檢顧麟集殷商

蔡泰觀蔡寶觀等會同縣丞顧嵩封唐人廟夷日初奉檄蕃

僧以為事近滅教忽中變張汝霖復遣顧麟往諭隨親臨督

封數以初奉終違之罪夷人不敢抗且迎送惟謹張汝霖諭

上年八月十二日奉 上諭訪拿以天主教引誘男婦聚

眾誦經者按法懲治查澳門唐人進教寺林姓父子居其中

香山縣志 卷二十一 紀事 三

勾引民人赴澳禮拜殊屬不法理即拿究念我唐人無知被

惑一經拿究牽累必多念爾夷人在澳多年一經拿究驚擾

不安是以委曲達督撫請 皇上從寬免拿止封鋼進教

寺毋許再誘唐人人教此誠 皇上從寬免拿止封鋼進教

而本縣之苦心也昨奉督撫檄督令夷日封進教寺委官同

殷商先行曉諭應刻日封鎖方見爾夷人恭順之意乃本月

十四日香山司據夷日等呈稱此寺非唐人建立稱唐人寺

乃訛言相沿并聞該夷日等聲言租澳建寺不應封鎖如須

封鎖是滅爾教情願回國等語聞之殊為駭異如云租澳建

寺不應封鎖試問爾等租澳止許貿易非許開堂設教也亦

止許夷人自奉其教非許誘唐人入教也譬如唐人來澳租

爾夷房生理誘爾夷人犯法爾肯容之乎唐夷一理何獨不
思且租銀不過五百餘兩在 天朝之意不過謂既准寄
居澳地若不稍納租銀爾等必懷不安故令納租耳今
天朝之大國家之富何有此區區現奉 皇恩蠲免錢糧
不下千萬尚何愛爾五百餘兩之租乎如云封寺情愿回國
試問 天朝豈少爾五百餘兩不得而必欲留之乎澳門之地
原爾夷懇 恩居住非 天朝招爾來此爾欲去不妨
竟去况爾夷居澳以來恪共謹守者固多犯法滋事者亦不
少現有案在爾豈不知爾等果去在 天朝地方亦省却
無數事且使數百年盤踞之地一旦廓清尤 天朝之厚
福 聖主之至願也特患爾等生於斯長於斯即驅之亦
不去耳至該夷目呈稱此寺並非唐人建立稱唐人寺乃訛
言相沿不知唐人寺之名縣志有載即通志亦載其名進呈

御覽如以唐人寺為說傳將志載三巴板障等寺亦訛
言相沿乎又稱本國王合寺宇係重伏乞恩宥等語夫今之
所封乃唐人進教之唐人寺非爾夷人禮拜之夷人寺也三
巴諸寺以爾夷人奉爾夷教原不禁止我天朝禁唐人
封唐寺與爾夷毫無干涉亦何患違爾本國王合乎此爾錯
見向容過慮如必抗違國法則爾之藉口者地租也今
天朝既無藉於些小之租爾之欺人者回國也今
又甚樂爾等之回國本縣定於本月二十日親臨澳地督封
爾等遵則呈請赴寺不遵則呈請回國事
無兩歧法難再縱該夷目熱思之 暴志

十三年四月民人李廷富簡亞二夜入夷兵亞嗎噓啞哆呢
家斃之棄其屍知縣張汝霖已得主名兵頭若些庇之匿不
出大府檄停交易出居民若些且增兵繕械為負嶠狀而澳
夷人無固志蕃尼蕃僧復助之因鳴鼓集訊夷法凡事確有
見聞者即天主所不宥是日稱目覩者三人耳聞者三十三
人若些無如何乃縛送二犯當以棄屍而失重罪準諸夷法
永戍地滿且聲著些罪於小西洋獄上以西洋夷人素稱恭

香山縣志 卷二十二 紀事

三

順依擬小西洋亦遣使庇利那勘問兵頭若些罪時汝霖已

解任兩府留竟其事與知縣暴煜詳籌善後事宜條議以上

庇利那以為便 澳門十四年七月督撫檄勒諸石漢蕃文各

一具 驅逐匪類凡有從前犯案匪類一概解回原籍安插

留結狀存案將逐過姓名列榜通衢該保長不時稽查如再

潛入滋事即時解究原籍保鄰澳甲人等一體坐罪 一 檣

冊發縣編一切在澳快艇果艇及各項蛋戶皆船通行確查造

馬頭灣泊不許私泊他處致有偷運違禁貨物藏匿匪竊往

來誘賣人口及載送華人進教拜廟夷人往省買賣等弊每

日派撥兵役四名分路巡查遇有潛泊他處船艇即時稟報

查拏按律究治失察之地保一併連坐兵役受賄故縱與犯
同罪 一 禁賄物收貨凡黑奴出市買物俱令現銀交易不
得賒給亦不得收買黑奴物件如敢違究逐出澳 一 犯
夜解究嗣後在澳華人遇夜提燈行走夷兵不得故意扯滅
燈籠誣指犯夜其或事急倉猝不及提籠與初到不知夷禁
冒昧誤犯及原係奸民出外姦盜致被夷兵捉獲者立即交
送地保轉解地方官訊明犯夜情由分別究懲不得羈留片
刻並擅自拷打違者照會該國王嚴處 一 夷犯分別解訊
嗣後澳夷除犯命盜罪應斬絞者照乾隆九年定例於相驗

時訊供確切將夷犯就近飭交縣丞協同夷目於該地嚴密處所加謹看守取縣丞鈐記收管備案免其交禁解勘一面由府司申詳大憲詳加覆核情罪允當即飭地保官眼同夷目依法辦理其犯該軍流徒罪人犯止將夷犯解交承審衙門在澳就近訊供交夷目分別羈禁收保聽候律議詳奉批回督同夷目發落如止杖笞人犯繳行該夷目訊供呈覆該管衙門核明罪名飭令夷日照擬發落一禁私擅凌虐嗣後遇有華人拖欠夷債及侵犯夷人等事該夷即將華人稟官究追不得擅自拘禁尿牢私行鞭責違者按律治罪一禁擅興土木澳夷房屋廟宇除將現在者逐一勘查分別造冊存案外嗣後止許修葺壞爛不得於舊有之外添建一椽一石違者以違制律論罪房屋廟宇仍行拆毀變價入官一禁販賣子女凡在澳華夷販賣子女者照乾隆九年詳定之例分別究擬一禁黑奴行竊嗣後遇有黑奴勾引華人行竊夷物即將華人指名呈稟地方官查究驅逐黑奴照夷法重處不得混指華人串竊擅捉拷打如黑奴偷竊華人器物該夷目嚴行查究其人應行質訊者仍將黑奴送出訊明定擬發回該夷目發落不得庇匿不解如違即將該夷目懲究一禁夷匪類並查出賣姦夷娼勒令改業毋許窩留內地賭博偷竊如敢抗拒違除內地犯罪類按律究擬外將藏匿之夷匪照知情藏匿罪人科斷窩留惡少之夷娼男婦各照犯姦例治罪如別犯賭博竊盜其罪重於宿娼者仍從重擬斷並將失於查察之夷目一並處分知情故縱者同坐

香山縣志卷二十一 紀事



禁夷人出澳夷人向例不許出洋奉行已久今多有匪徒藉打雀為名或警擾鄉民或調戲婦女每滋事端殊屬違例該夷目嚴行禁止如敢抗違許該保甲拿送將本犯照違例律治罪夷目分別失察故縱定議一禁設教從教澳夷原屬教門多習天主教但不許招授華人勾引入教致為人心風俗之害該夷保甲預須逐戶查禁毋許華人擅入天主教按季取結繳送倘敢故違設教從教與保甲夷目一並究處分別驅逐出澳此條該夷目請免勒蕃文碑內

暴志

十四年十二月庇利那以檻車送若些反國

澳門記畧

五十二年八月黑奴飲營地街醉臥不服夷官約束夷官以

肆主之賣酒與黑奴也反責之鄰肆與辨遂遷怒督黑奴折

毀寮舖毆傷民人並縱黑奴在望厦村偷竊滋事貨船到澳

不報地方官往澳彈壓強詞不順知縣彭翥揭督撫調香山

協移駐澳門以緝捕臺匪為名實防禦澳夷也又飭廣州府

張道源到澳封關禁居民賣藥具食物夷眾懼引罪輸服乃

復開市貿易

志

澳夷殺人夷目匿兇犯知縣彭翥赴澳嚴責之詭以他夷代者數次翥皆廉其詐置金於餅以獻擲諸衢夷目計沮始以夷犯對簿此事年月無據以與前案同同案同

五十三年海賊平波大王率眾為寇知縣彭翥請於制府福康安給精兵二百討平之小倉山房文集

嘉慶四年澳門民夷以追加蕉園圍地租構訟初西洋夷居澳華人錯處其間以租輸夷人至是夷人嗚喊欲加租居民以屋非夷造為辭則率黑奴迫遷且毀其閉門屋壁澳差復助之澳民訴縣知縣李德輿檄夷目禁止不聽後許乃來接任案始定志

五年海寇至浪白入桅甲門總兵黃標督舟師追獲甚眾外洋稍靖同上

香山縣志卷二十二 紀事

六年或云七年雷瓊閩海盜滋擾澳門請備二船隨舟師海捕且

以九事乞格外恩知縣許乃來以其非制且挾故要求也却

許乃來論澳門徵畧上年爾夷請駕船出洋追捕海盜惟求蕃船稅則按照向例征收修葺房屋准予裁免所請頗

見忠誠所求亦屬易辦是以據情上達其時官兵勤捕海盜已清毋容爾夷効力以故未經檄調茲以漏網復恣大憲飭

照前議一則使爾立功報効以抒恪恭之忱一則使海盜肅清俾爾貿易無阻也今爾夷雖踴躍用命惟所請九事不但

托故要求且多有不必丐請及不可准行者今為爾夷詳晰曉諭據請自關柵外至澳門島嶼得專緝奸匪驅逐外國夷

船灣泊查關柵至澳門民夷雜處各島嶼亦有漁船農舍應由內地兵役巡查非爾夷所得越分稽查若賊艘窺伺爾夷

世居邊土自應為天朝捍衛報地方官協同防禦若外

國夷船來澳爾夷本應稽查倘或逗留更應隨時驅逐分內

之事何庸求請又請在澳華人倘遊匪徒即驅逐出境貿易營生者果屬殷實方許居住查地方匪棍原應驅逐但華

夷各有官司不能越分管理中華有不安分之人爾夷不敢驅逐亦猶澳內有不安分之夷天朝不肯究問必須爾

夷查辦也至貿易之人租爾房屋應留與否可聽自便如華人居住內地房屋自與華人貿易爾夷無從過問另為置議又請民夷債負準將貨物器用在亭上變抵查負欠固應償還華夷各有管束夷欠華賬夷人頭目可便宜行事華欠夷

賑強行變抵華人未必服且有滋生事端仍應報就近衙門
追領毋庸另議更張又請除人命大案其餘漢人倘有過犯
爾夷自行責罰查華夷自有攸分冠履不容倒置爾夷世居
內地雖土食毛齊民無二遇有罪犯原可照天朝法律
懲治然猶念究屬外夷除殺人抵償外凡軍徒杖笞等罪均
聽自行發落豈爾夷反可管束天朝百姓擅加責罰耶
有地方官在未便干預又請華人殺夷人亦猶夷人殺華人
一様填抵要在澳地明正典刑查殺人必須報命國法不
容紛更定例殺人犯由縣勘實收禁擬罪自府而司而督
撫移解覆審情真罪當然後奏開命下日即提出正法
所以照慎重也從前夷人殺死華人求免解禁是以原情定
法在澳審訊夷目收管就近正法若華人犯罪自有舊章豈
敢變改又請雇船往來省城置買貨物憑用亭上文據稅餉
照內地規例關口不得多索加征查澳夷原不省中往來
關津隘口例應稽查驗放至貨物輪稅本有定規移知關口
嚴查自無額外加征又請丈量洋船照從前頒行則例不得
另外征輸查丈量既有舊例依轉請大憲如額征收以昭體
恤又請備蓋房屋免泥水匠稟照批准使費之苦查澳夷房
屋祇禁添造隨常修葺並無禁阻泥水匠本應稟明興工何
得藉口使費倘有需索自當懲禁又請遇屬員冤官府不為
申理者乞赴制府轅門陳訴查我朝懷柔遠人無微不至
爾夷從無受屈含冤地方官不為申理之事未便無故妄請
赴轅陳訴致干告訐挾制之愆然則準情度理參之事勢諸
事多不可行爾夷其體悟不總之功能方可論賞事前未便

香山縣志卷二十一

紀事



要恩今兵船已集如願効力即日隨往如果有功前次稟內
可行之事當求大憲量為允行倘被此要求議論不決則捕
盜孔亟斷難延悞本縣即督率兵役出洋內地雄兵巨艦霧
集雲屯隨處可以調遣毋庸爾夷勞動也爾夷其熟思之
俱同上

七年春英吉利來兵船六泊雞頸洋淹留數月有窺澳門意
兩廣總督吉慶飭洋商宣諭回國以是年六月去去之日特
遣其夷陳謝謂法蘭西侵澳門故輒舉兵來護他訛言請勿
輕信意將以掩其迹也會西洋人索德超等居京師者言於
工部侍郎管西洋堂大臣蘇楞額上聞馳詢吉慶以英
吉利開帆日奏事遂寢越數年而有度路利之事海國圖志
惠州會匪亂延及廣州邑四大兩都隆都古鎮所在皆有而
黃梁都尤甚巡撫瑚圖禮欲夷之知縣許乃來設法擒其魁
黨遂散是役也新會兵乘機肆掠指民為盜守備曹某者虐

尤甚許乃來鞠得實盡釋之詳許乃來傳

八年春會匪餘孽遁外洋遊掠大小虎浪白諸處會清明醉

失曙復大霧不見人署提督魏大斌帥師驟至擊殺殆盡餘

黨晁水走文樓山虎山人素受其害聞礮聲截搜五十餘人

九年秋海寇劫白蕉村人力拒之

十年海寇始攔入內地初海寇張保鄭石氏郭婆帶烏石二

東海八等皆嘯聚外洋商船往來皆有號稅未敢直窺村落

也至是黨類漸盛邑東則龍穴蕉門大沙尾西則壘石海南

則三門竹洲平山磨刀等處皆其停泊之所內地奸民接濟

既便地方官欲籌勦辦又以動多阻礙為辭是以養癰豢虎

勢愈梟張六月丙寅夜焚劫港口八月壬寅夜郭婆帶率船

三百餘由獨子洋入攻大黃圃鄉人力戰禦之明日棄大船

香山縣志卷二十一 紀事

三遁復掠港口知縣彭昭麟令紳士立礮臺水柵

十一年十一月海寇復至港口官兵及緝船擊退之

十二年夏海寇攻虎山滙涌等鄉鄉人禦之互殺傷不遭掠

四月知縣彭昭麟令邑城紳士募緝船防禦禁穀米出口接

濟俱同六月丁丑夜賊船百餘圍磨刀礮臺守臺把總遣兵

告急時右營守備李海熊領左翼鎮師船十六艘到縣彭昭

麟令守芙蓉沙口即乘夜與署都司余時高領兵由小道馳

往五更抵磨刀發礮擊之神灣聞號令亦對岸夾擊碎船二

稍却李海熊復自芙蓉沙上流直逼賊遂竄多落水死者彭昭

麟嶺南草詩注

九月奉大府檄緝拿南海荔枝園會匪初荔枝園賊譚四葉

高傑李乃文等結三合會分東西中三路令其黨勒各鴨埠

基圍掛號銀視所出貨為等差紙票蓋圖章儼若符信西路則順德之桂洲高讚馬甯是也以葉高傑為首東路中路邑之橫門蕉門大黃圃潭洲黃角順德之容奇及番禺新安等

處是也以李乃文羅成才為首至是捕之粵東山海叢雜本為盜藪其甚者至

創立名色威於官檄民病亦孔亟矣而始也有司每緩視之或謂如乞丐之流苛繩則酷或謂賊款無憑礙難按治積勢

久而流毒深然後從而急之則呼類遠颺聚成大寇己巳庚午間海氛忽熾皆此輩傳其翼耳燎原之火撲滅幾何時而

熒燄之勢數年前漸已復發更或捉人勒贖則視前禍為加烈焉而治之恆不勝者何也以情形之未審也夫此輩為盜

與尋常之盜頗有間則捕治之法與尋常之法亦不同尋常之盜迫於饑寒耳而此輩則半豪右子弟也治尋常之盜則

嚴窩主耳而治此輩則窩愈嚴而愈不獲也蓋嘗綜其情形觀之巨奸積蠹聲氣遠通散布醜類一呼立應官欲捕之暗

有偵報尋蹤索穴偶獲一人追求窩主即指所獲之地以當之於是民見脅於盜又見罪於官夫田園荒僻浮寄孤懸官

則緝之官來則又竊通之以避官之坐究與盜之尋仇此所謂窩愈嚴而愈不獲者也治之之法在審必經之要地設常

駐之巡丁使佃民得所恃則奸人自無所容今下令各鄉如

香山縣志卷二十二 紀事

法奉行各自守巡庶其有虧乎 祝志

十三年知縣彭昭麟奉檄督舟師在老萬山一帶堵截聞逆

蔡牽初蔡牽遁越南至是潛回

七月庚午海寇二十餘艘復至港口官兵縛船擊退

八月丁未海寇攻小隱港鄉人禦之殪其二賊乃退

八月初二日英吉利夷人入澳門欲據之俱同上英吉利荷蘭

屬國皇清一國懸三島於吝因黃祁荷蘭佛蘭西四國之

職貢圖地無田人不耕惟貿易及劫掠貿易以粵東為大

尤重中國茶數日無茶即警向凡貨船到粵洋行定其值售

畢易貨歸司事者曰大班隨船來去乾隆三十年間洋商負

其值始有在澳壓冬者貨居澳屋不惜重費初僅一二人後

接踵而至遂有二班三班以及十班之號并有攜家來不肯

歸國者習見澳夷出洋之船歲僅輸船稅二萬貨物聽彼國抽分遂覬覦欲爲隴斷計久未得聞會佛郎西與英吉利構兵遣人告西洋王毋與英吉利通英吉利聞之先遣兵脅西洋王隨遷美加利洲大班拉弗偵知其事致書伊國嗾咖喇之總管遣兵頭度路利來澳彭昭麟嶺南草澳門記事詩序巡船三日家賁曰拉曰簡敦家賁船番稍七百拉船番稍二百簡敦船番稍一百他鎗礮劍刀火彈稱是故事英吉利護貨兵船例泊十字門外其年貨船未至卽紿言護貨度路利揚言英吉利與西洋世好慮佛蘭西入澳滋擾因以兵力來助其實英夷敗於安南覆其七艘故以餘艘抵粵駐粵大班喇佛乃唆令占澳門爲補牢計澳夷不敢校也海國圖志於八月二日擁入澳門其理事官唛嚟哆報縣知縣彭昭麟請大府封艙撤買辦禁

香山縣志卷二十二

紀事

三

在澳服役人從之十九日前潮州府知府陳鎮撫標遊擊祁世和至澳九月中香山協副將許廷桂領兵駐前山寨爲聲援昭麟及都司余時高駐北山嶺爲犄角度路利懼乞陳鎮轉以情達大府詞未恭順昭麟札西洋理事官轉諭度路利速退否則火其船而治其人度路利益懼遂以船上黑夷換夷兵與大班拉弗乘夜至黃埔赴省請開艙不允所請總督吳熊光奏奉諭旨用兵驅逐昭麟益厲澳禁嚴巡緝二班叭哩等乃求西洋國使囑嚟帶轉乞昭麟昭麟限以七日回國並合囑嚟帶與練總葉恆樹曉度路利以利害乃俯首服罪隨回澳門歸國十一月七日也彭昭麟嶺南草澳門記事詩序未幾總督百齡巡撫韓封先後臨閱澳門以自咖噠礮臺至西望洋礮臺迤南沿海石壩易於爬越英吉利夷兵由此潛登令

澳夷加築石女牆以資防堵派把總領兵專守關閘派外委領兵協防望廈又設前山專營移平鎮營遊擊駐防以香山協副將頻年海捕常調左營都司回營經理不能專力前山故也祝志

十四年總督百齡巡撫韓尙奏立前山專營制澳夷又奉

旨澳內西洋人不准再行添屋民人眷口亦不准再有

增加引水船戶給照銷照俱責成澳門同知辦理阮通志

二月乙卯海寇復圍磨刀礮臺都司余時高撥兵防下閘礮

臺恐震縣城也庚申賊偽為漁船潛入內地嗣後賊氛日甚

總督百齡初莅任卽馳檄封海港禁商船往來賊無所得食

冒死衝突常三四百艘分掠村庄橫檔村禦賊死者譚靄珍

鄧煥章等六十六人詳增時官兵未集防禦尙疏賊遂敢深

香山縣志卷二十二紀事

入矣祝志

六月辛卯夜左翼鎮總兵許廷桂遇賊於梳夾門時舟師六

十艘皆最精銳者與戰風不利賊乘勢轟擊追抵芙蓉沙河

小舟大擁不進且多倚岸兵無鬪志棄船走許廷桂被殺逃

兵至石岐奪食是日賊連劫第一角寮后等村村民擊退之

仍屯大涌村前聲言劫石岐十二夜乘潮至濠涌鄉人禦之

礮斃賊十餘人稍退屯茶園山下鄉人復移礮斃數人而鄉

人無一傷者翼日知縣彭昭麟檄官兵及畧船與鄉人水陸

夾攻自辰至申賊披靡去越三日有謀賊試水於甲洲在濠涌村

前獲之詢其情云欲再舉窺縣城也由是益戒嚴築永固礮

臺樹水柵於濠涌賊亦不復至

甲寅夜郭婆帶率船百餘艘圍小橫泊第九嘴戊午鄉人戰

却之鄉民蕭世泰等七人遇害賊亦多死者七人詳壇廟

七月壬申海寇劫蕉門蕉門瀕大海地僻民少初環植笏竹以雜石縶短垣賊弗敢入後漸伐竹毀垣至是賊乘虛搗之黃角人分二路馳救賊遁越二日獲一艘於東涌則接濟者其人鳧水逃殲諸海知縣彭昭麟旋請建礮臺於蕉門號曰得勝門

九月乙亥張保率船三百餘艘攻大黃圃東南知縣彭昭麟撥繪船十四護西北癸未賊以紅旗由鵝頭山踰尖峯嶺而下以黑旗由西北河田進鄉人擊之賊多死傷忽風轉潮上繪船不能抵賊奪船破柵時淇澳司張永津奉檄守禦僅以身免鄉人既首尾受敵退隘堅守沿海墟場焚劫殆盡武舉何定鼇等四十八人遇害四十八人詳壇廟

香山縣志卷二十二 紀事 三

十一月賊張保避風於大嶼山赤滙角赤滙角惟東西通海可截而殲也知縣彭昭麟偵知之令漁戶陳敬裕等以繪船截其東口檄蕃船三助之時賊別隊方攻劫他處聞急回救彭昭麟復馳請提督孫全謀移師截其西口賊數百艘盡困港中未幾東南風作彭昭麟請沈二巨艦阻賊西遁之路孫全謀堅不從又請以火攻從之彭昭麟貽書邑紳士猶以為節制既定賊可一舉盡也邑人皆額手相慶然火船小而少賊拒以木不得近彭昭麟以事多掣肘慮其終變馳請總督百齡視師是夜賊冒死乘風西出孫全謀麾師船長列一字避之賊遁去蕃船繪船追之不及翼朝百齡至則無濟矣聞者謂孫全謀前縱寇於廣州灣而傾黃標後失機於赤滙角而違彭昭麟粵東之禍孫全謀釀之旋下於獄黜其官自是

始有招撫之議

邑人職員林應元黃萃業新會監生陳文與漁戶陳敬裕周朝尙盧高發黃意恆陳遇珍鄭高秀等請總督百齡給大船三十領壯勇三千為前鋒百齡許之初陳敬裕等以繪船七十分三隊捕盜外洋林應元等畫方略籌資斧知縣彭昭麟獎之自嘉慶十年以來所向有功陣亡者惟黃康鍾義悌吳榮陳元明鄭玉財布開滿布開發周朝彩黎賴明黃帶郭元有李茂貴十九人而殺獲無算較舟師尤得力十三年大府給陳敬裕盧高發二人頂戴是年許廷桂失利寇益橫肆知縣彭昭麟給口糧令分赴險隘堵禦及赤瀝角無功益憤激願効命故有是請百齡給周朝尙黃意恆陳遇珍鄭高秀四人頂戴俱同上

香山縣志

卷二十二

紀事

三

張保寇潭洲鄉人梁源開與南村楊瓊昭上村孔槐熾率眾同心擊賊鄉免於難潭洲千總潘鴻昭上其事總督那彥成榜源開門曰義洽枌榆採訪冊

十二月賊郭學顯即郭歸正授把總銜祝

十五年二月辛卯海寇攻長沙埔村人奮擊之殺賊十餘人

賊知不能入焚沿海民居六十二戶而去鄭宏德鄭四蕭應

朝蕭任高曾天富鄧啟日蕭作輝林世善梁勝廣九人遇害

四月賊張保鄭石氏蕭雞爛後改名開等歸正總督百齡親

莅香山撫之是時張保等久居洋面人眾艱食鹵潮蝕船不

能修葺因有歸順志地方大吏以兵力不能制亦遣官諭之

而未信也湖南人周飛熊者流寓澳門與保有舊請於制府

奉檄往說保等意決約會舟邑城南大涌村前面制府為信

許之百齡至香山駐節豐山書院司道官及委員至大涌勒兵其北賊數百艘泊其南張保及鄭石氏乘輕舟豎招安旗抵石岐入見百齡是夕百齡傳令官軍戒嚴越日撫議定眾頭目冠帶見司道官於舟中百齡令籍其船及礮沒官賊黨給憑費歸里或安插耕作所掠婦女戚屬領回張保授千總銜鄭石氏故鄭一妻保其義子也令室之餘多授官者即檄張保領兵捕餘寇保誘擒麥有金石二於儋州以功擢守備百齡令知縣彭昭麟築臺大涌海旁額以大德曰生記其事

香山縣志 卷二十二

紀事

罕

於上百齡撫賊記嘉慶十四年奉命總制兩粵籌辦海保為最西路以麥有金兄弟為最勤辦之計自東而西先時增戰艦禁米穀嚴備禦督勦張保於大嶼山郭學顯乘張保之困也擊敗之以功乞降保益疑懼而未敢自決十五年四月百齡勒兵海上宣諭聖主威德保伏地叩首慟哭輸誠願効死命遂於香山芙蓉沙海口受其降由是進勦西路賊匪張保奮勇躍舟生擒麥有金於儋州洋面以次殲滅羣盜是役也皇上如天之仁網開一面自麥有金等一百二十人聯誅外郭學顯先授把總張保以千總銜擢陞守備戴花翎其餘脅從羣匪無家者萬人悉予安置海天蕩蕩氛復全消我聖人神武不殺覆載生成之德實與萬古無極矣百齡叨膺連帥親稟容謀未幾張保擢順德營都敬書額於香山之受降臺以示萬世

司百姓怨之保不自安百齡乃改調別營後官至澎湖協上十七年西洋澳夷以白鉛為該國所需請均勻撥買議定每年准買十四萬斤阮通志 祝志據粵海關冊云嘉慶十三年議定出洋白鉛每年額定七十萬斤於佛山鎮憑洋商收買運省報驗轉賣西洋夷本國不敷故有是請二十年七月盜潛奪副將羅鳳山巡海船時羅鳳山巡哨回船泊港口外暫歸署令把總黃登守之夜有盜襲之遁假名號掠海上徐聞官軍獲之祝志

二十四年海防同知鍾英以營地關前連歲失火凡岸上船上不許私搭蓬寮並禁填築海旁官地建屋

二十五年署縣宋如楠捕打單賊時港口象角小欖等處所在皆有天府檄嚴辦遂大捕之獄滿不能容編柵於儀門外為監房兇焰稍熄

道光四年洪澳司巡檢周寶瑛除恭常都沿海緝筭寮舖船戶及澳甲互結錢詳縣立案恭常都民環海居者多以漁為生就海旁近地醃製官其地者率借詰察名取錢胥吏虐尤甚至是除之民大快

六年正月西洋夷人嗎啞嘸殺澳民嚴亞照知縣蔡夢麟揭報總督檄廣州府知府高廷瑤香山協副將曹耀清澳門同知馮晉恩同蔡夢麟赴澳誅之初嚴亞照之姊進天主教為嗎啞嘸妻亞照常出入其家其母令以菓饋姊留之宿嗎啞嘸嘸歸遠意為妻奸外人殺之而後知為妻弟乃分貯

香山縣志

卷二十二

紀事

聖

其屍籠中潛棄於山僻澳民以為鴉片也逐夷人夷人踰跟走遺一股於路澳民大駭愕莫得主名其母以子不歸聞而疑之往視得實控於縣夢麟七日乃往驗嗎啞嘸嘸先令人遙守山僻遇覓藥者至執以為殺人夢麟聽夷人言撻屍親澳民以夷人進賄聞然憤與澳夷鬪復斃一人幾激變馮晉恩調護其間民情始定乃置嗎啞嘸嘸於法云宋有充蕃之

之禁我

朝雖許市易而防制尤嚴非獨尊國體範民行亦以省事端也今逐臭者為之妻為之奴率借進教以希餘潤夷人以利奔走之遂欲以利生殺之如嚴氏之事亦多矣 俱同上

七年土匪黃秉雲蔡二方四等擾西鄉劫龍聚環劉朝傅家朝傅募勇却之復與劉展鶚黃鳳起等白之官畝捐設局屯勇堵禦已而外寇結連土匪大擾武舉胡雄泰率鄉勇追至鶴山新會攻其巢穴擒其魁黨遂散

採訪冊

十二年四大都三合會萌孽煽誘左步頭村二百三十餘人
歲貢阮森榮議禁之羣匪反喧呶森榮乃密謀諸父老聯合
保甲西江尾龍穴頭村匪附從行劫森榮率眾擒其魁十二
人白官通詳大府檄行嚴捕稍戢

十三年春有夷船來泊金星門踵至者五十餘隻淇澳鄉人
白上官驅之乃去十五年夷船來泊零丁洋俱同上

英夷久踞濠鏡澳南環一帶悉奪而居之販賣鴉片烟土十
六年夏颶風壞其船一烟土漂至瀕海村英夷因游奕三竈

村口岸有賣菓者夷人以鎗指之試中否為笑樂洞胸斃有
鍾蔡氏者傭工於夷家忽自縊夷以布裹其屍寘縣丞署丞

白縣遣役瘞之修築西洋夷之東礮臺改建英吉利旗號西
旗純白英吉利開馳道於東望洋山山多居民墳墓英夷勒

香山縣志卷二十二 紀事

聖

起遷遷者給洋銀一兩四錢不從者夷之棄殘骸於海民大

嗟怨遂有沈志亮郭金堂之事詳沈志亮傳 採訪冊

夷船復來泊零丁洋春至秋冬去以大府准其避風告白後

遂以為常時洋船四五十隻華船艤附通市珍奇畢具娼航

賭艇比於珠江夷目設帳幙於東岸大角山禮拜會食礮聲

震遠邇番奴牽葵持鳥鎗蹂躪場圍艙口鬼華人名夷 貿易者攜入

教男女闖入村庄蛋船有少女或強宿焉先是水師提督李

增階遣視金星門東至旗纛澳一百七十餘丈汪洋巨浸而

水淺西至唐家村一百四十餘丈而水深欲以十餘巨艦載

沙石塞之不果十三年前有奸民引夷人如李法測量蓋欲

於此停泊銷售偷漏關稅故也繼又於唐家淇澳樹表量地

皆繪圖識墨復於淇澳山建英吉利國旗大有營造意因英

夷放債西洋夷質其夷樓土庫

夷人儲貨

鵲巢鳩居英夷無

駐冬之例則以候帳為名既盤踞澳門且欲跨金星而有之

居心殊叵測秋九月恭常都紳士控諸大府督撫張文告檄

築礮臺於門之左右歲撥舟師守之董役者苟且粉飾未幾

摧剝夷人旋得新安之香港地尤利便不復至

退思齋雜錄

十八年秋九月鴻臚寺卿黃爵滋以夷人鴉片烟毒耗中國

奏准嚴禁

採訪冊

初澳門葉恆樹專屯鴉片道光元年總督阮元按治之乃不

歸屯戶自販於零丁洋其地近蛟門水路四通大船六七隻

終歲停泊謂之躉船凡洋船載鴉片者皆貯艙面一入萬山

以三板駁赴躉船然後入口

吳蘭修弭害文小注始泊零丁洋每年四五月間入

泊急水門至入九月間仍回零丁洋該夷探知

金星門洋面較穩始由急水門改泊金星門

香山縣志

卷二十二

紀事

墨

道光間知縣田溥奉總督盧坤檄暨水師副將秦裕昌拏獲

梁顯業販賣鴉片船起出烟泥一萬四千餘斤格殺生擒者

數十人并按治零口匪犯姚九歐寬等籍產入官

林謙禁烟文小注

給事中許球奏鴉片烟每年耗銀千數百萬始猶係該夷買

貨之洋銀今則盡內地紋銀在澳門改鑄始則該夷猶以洋

銀買內地之貨今則盡以歸國始則改鑄洋錢猶恐內地查

察今則公然攜帶紋銀矣

採訪冊

按林謙禁烟文小注云夷人互市皆是以貨易貨獨

違禁之鴉片必用銀其居心實不可問嘉慶末澳內

漢人嘗釋夷語曰爾恃中國強耶不三十年窮矣故

其為中國患者在以中原易盡之藏填海島無窮之

壑然是時例禁方嚴即有犯案亦止言其害人性命

耳其以銀兩偷漏入告者實自道光丙申許乃濟一
疏發之利源既旺來者愈多聞戊戌年鴉片入口竟
有八萬箱計耗銀三千五百餘萬而審口最大者則
住省英夷之鐵頭老鼠聞英夷鑄中國紋銀數百斤
為一大錠名曰牙茶永不輸
入中國其入中國
者乃以低色洋錢

澳門設有划艇包載鴉片私貨入口總派陋規年終則統計
所獲按股均分而媽閣之關稅不能逃所以澳門之船鈔少
而貨稅多洋貨之公稅少而鴉片之私稅多鴉片入口之夷
稅少而鴉片出口之民稅多故省城之關稅漸虧而澳門之
關稅獨裕澳門之總口稍裕而媽閣之子口獨豐也十八年
十一月澳門同知蔣立昂出示云勾串經紀著名媽閣蓋得
其要領矣林謙禁煙
議小注

香山縣志卷二十二 紀事



十二月十二日渣嘔即鐵頭
老鼠下澳附港脚快船回國零丁洋

躉船內有港脚噤船及嚙吐船二隻於十八日去己亥正月

二十日有港脚噤啞及吧嘔等船咪利堅國噪啞啞及吐咖

等船噤國都吐船小呂宋船共十四隻起旋開行廿一日又

有港脚嚙啞等船咪利堅國嘛叻等船共四隻與前船一同

駛去旋泊大嶼山稍南了洲洋面尙有二十四隻仍躉零丁

洋如故躉船之設始惟英吉利有之嗣後米利堅國噤國呂

宋港師皆有則利藪爭趨貨船亦移為躉船也退思齋
文小注

外夷雇中國人供役曰沙文故華夷有事官府輒先以禁買

辦火食及撤退沙文為首務嘉慶十二年夷兵頭特魯厘帶

兵上澳及嘉慶十九年英兵頭那列士到澳門時道光十九

年律勞卑到省時均即封港停止貿易驅逐沙文打破夷館

提拏通事必待事定始開船發沙文也

海國圖志所輯
夷事華言錄要

自公司散後無人管事洋商有再著大班來粵之請英國遂
派領事一人律勞卑於道光十四年至粵管理貿易欲在澳
設立審判衙門一所并如英國設主里十二人以助審案七
月二十四日律勞卑并未經洋商通報突然闖進省河總督
大怒遂停貿易禁火食預備火攻于是委船押同律勞卑下
澳律勞卑到澳即氣忿死道光十六年英國義律至澳由廣
督奏稱各國貿易惟英吉利設有公司四首商管東曰大班
二班三班四班其船定於七八月到廣以貨換貨至次年二
月出口維時各大班請牌下澳至七月間請牌上省自公司
散後事無專責前督盧曾奏請 勅令夷商寄信回國再
遣大班來粵管理貿易今十六年十一月接據夷人義律攜
香山縣志卷二十一 紀事

罟

一妻一子至澳約束商人水手惟不管貿易

鴉片私躉船初在澳門後因住澳之布路亞人索費太多業
此者遂議改他地于道光二年設立躉船安設軍器拋控伶
仃洋由葛留巴之船載至伶仃洋過載躉船即卸載回帆船
人在省講定價值即先交銀寫立發票付與快蟹船扒龍船
赴伶仃洋運入省城所過地方水師官均已受賄放過故近
數年多至數倍俱同上

十九年正月廿五日查辦大臣林則徐到粵二月初四日與
總督鄧廷楨巡撫怡良坐堂傳訊夷商諭令繳煙酌請賞犒
而英國最大諸國皆觀望於英夷英夷又推諉於領事義律
初十日義律由澳進省奸夷嘯咄欲遁官知之困諸公司行
移咨海關監督豫堃將黃浦各夷貨船封船撤夷館買辦工

人添兵守隘禁夷人往來距五日伙食將盡義律懼稟繳鴉片二萬二百八十三箱每箱四十個廿八日林則徐鄧廷楨

抵虎門會水師提督關天培收繳檣臺船二十二隻俱進虎門外鎮以重兵逐漸查繳剝運尖沙嘴火之奏請繳烟一箱

賞茶五斤共賞茶一千六百四十箱檣臺船回國義律請留船在澳裝貨不許義律不受茶各夷遂住澳門林文忠公奏稿

七月初八日林則徐統兵駐香山縣城分兵屯各隘嚴斷澳門伙食傳諭西洋逐英夷西洋恐奉檄驅義律映頓并住澳

英夷五十七家寄住尖沙嘴貨船及潭仔臺船廿五日林則徐由香山起程廿六日莅澳夷目噉噉嗎咄吵率夷兵百名

迎於關下兵總四人戎服腰刀夷兵肩鳥鎗列道左蕃樂齊作一路紅氈藉地夷目具手版謁見免冠鞠躬意恭甚林則

香山縣志卷二十一 紀事

徐宣布 大皇帝恩威夷目點頭感謝通事傳言西洋

沐 天朝參養二百餘年長保子孫共安樂利何敢自外生成有干法紀夷目以手拄額者三蹶蹶退出林則徐賞賚

甚厚經各礮臺俱發一十九礮蓋伊國大禮也沿途華夷兆姓歡呼動地林則徐訂澳門章程每年茶葉連箱給五十萬

斤以三年通融計上

廿七日午刻大鵬參將賴恩爵師船泊九龍山義律率夷船五隻求買食突礮火齊發傷兵一名賴急發礮擊退已而來

船愈眾礮彈雨下互有所傷戰至戌刻始退八月初五守備黃琮燒明哖哪躉船於潭仔初七日義律至澳託西洋夷目

遞書澳門同知蔣立昂請罪乞和十五日請具結夷船任官搜查如或帶煙貨盡沒官惟抵死不書人即正法四字

十一月朔奉 上諭駁英吉利貿易盡逐其船出口接
其罪狀於各夷禁各夷不得代販鴉片該船停泊長沙灣等
處遷延不去

十七日義律與澳兵總敦阿特厘阿加西阿打西爾威拉賓
多書請將英人貨物運回澳門照規納稅十二月十二日兵
總覆書拒之

二十年正月初二日英國窩拉疑兵船船主吐嚙與澳兵總
書請進一兵船至澳護住澳英夷請勿理我與中國之事兵
總覆言兵船進澳歷來所無如欲圖我我聲爾罪於萬國矣
吐嚙復奉書兵總言英人欲寄西洋旗下居住乞爲保護免
受中國苦磨兵總覆言澳受中國管束容爾住中國封禁伙
食全澳立幾爾住船何礙爾但知英人失所之難不思西洋
香山縣志卷二十二 紀事

五千人爲爾受累亦甚難也何不知若此

林則徐奏委高廉道易中孚香山協副將惠昌耀駐澳防範
先後派兵勇一千三百餘名 案此事當在
冬春之交 後又添調督撫兩
標兵連前合二千名派委參將波啟善副將多隆武守備程

步韓俱屯澳

前山營有一項從洋商捐出生息嘉慶十四年奏作添設前
山營兵餉之用按年覈實支銷歷三十餘年至道光十九年
五月底部存銀五萬三千八百兩二十年春林則徐奏將銀
添設快船建衙署製兵械餘撥建尖沙嘴官涌兩礮臺

澳門各官報五月廿二日九洲洋來兵船二廿三日來兵船
七車輪船三後又來兵船十車輪船二旋插木牌於灘書漢
字說內地船隻不准出入粵省門口俟英國通商再行無阻

又召商船赴英船貿易

七月廿二日未刻英國噍喻喻等率三板十餘火輪船一由九洲洋駛至澳門關閘突然開礮官兵迎擊隨遁易中孚率署澳門同知蔣立昂香山縣丞湯聘三由南而北署肇慶協副將多隆武督標副將波啟善由北而南署提標遊擊阮世貴等在中往來接應惠昌耀率師駛至青洲水陸夾擊壞夷船桅柁沈三板數隻夷兵墮水者藉藉旋有夷船來助香山水師兵丁羅名贊曾有良麥朝彪三人轟礮連斃夷兵目一人夷兵十餘人夷船且戰且逃至戌刻向九洲洋竄去檢獲夷礮彈大小二百餘重十餘斤或三十斤不等官兵死六人壯勇死三人波啟善水師守備陳宏光面目俱傷署香山縣知縣吳恩樹聞夷欲犯前山即帶鄉勇至前山策應雇繪船香山縣志卷二十二 紀事

八隻堵禦內河隘口林則徐隨添設各路兵共八千名屯澳夷船隨竄磨刀及伶仃洋俱同上

英夷志不得逞謀所以去林則徐者乃猝往廈門定海破城池殺官吏而林則徐去粵矣澳門之屯懈而英夷復橫採訪冊

知縣吳恩樹副將惠昌耀奉檄防夷派捐軍費修治城池礮臺水柵以紳士分董其役時太平日久兵事廢弛惠昌耀勒兵不出惟取沙數百囊堆四城門側下令夷人入則閉門塞以沙囊慎勿戰

二十一年春二月初六夜英夷攻橫檔礮臺二十一日黎明英夷駕火船自南路入破湖洲礮臺殪守勇隨至沙涌礮臺入渡頭村淫掠過野廟笑愚人奉此土偶斬之頭墮地村人怒與戰雷兆成等十人死之見忠義傳濠涌守者棄礮臺踉蹌逃

日將晡夷船至石岐海居民遮岸望夷人見我眾頂禮搖手
要以無相害既夕至張溪口陷於淖夷大懼有董事者家北
門周北堡奔而呼曰從我來焚其船者賞五百金生獲一夷
人者賞百金獻一夷人首級賞十金其人平日不信於鄉間
無應之者須臾潮長英夷火張溪文閣出東濠駕火輪船去
當夷船之未去也西北一帶火光燭天居民驚竄四城皆閉
思樹登城望惟歎息流涕而已後知其來也兵頭義律亦在
船中火之可無省城之禍始不勝痛恨云

二十二年三合會再起始事者石門甘秀踞老巢嘯聚至於
劫掠拒捕者則隆都高明遠周配琚也初起時撰妖書造隱
語傳教者曰亞媽引入會者曰舅父又曰先生曰升上主文
字者曰白紙扇奔走者曰草鞋各頭目曰紅棍拜會曰登壇

香山縣志

卷二十二

紀事

哭

演戲入會曰出世每拜會亞媽裹紅幘服白衣設五色旗上
書彪壽合和同字分布五方從某方來者隸某旗設三重門
每門二人持刀作八字形拜會者匍匐入自稱曰仔赤身披
髮跪伏拜斗念三十六咒割指血盟受隱語三角符符內寫
參天宏化四字髮辮繫兩線辮結一圈頭目曰天牌圈正額
司事曰地牌圈腦後先入會者曰人牌圈左耳後入會者曰
和牌圈右耳俱身披短襖綵帶藍銳屣露及彼此相遇問姓
各以洪對或稱三八二十一便知是會中人不肯入教者曰
皇仔冒其教者曰野仔曰瘋仔每入會科洋銀一銅錢三百
六十曰祝壽錢不識其隱語暗號者即被掠

二十三年正月甘秀之黨崖口譚仁階泮沙許藹佐南萌程
建新會梁雄譚紅等於山門葫蘆地上柵太保廟官塘北山

澳門潭仔灣仔等處先後拜會劫黃泥塘大逕山秋七月汪洪戴香來自新會主於高明遠之家明遠故盜魁周配瑠尤險狠頗通文墨設偽文武都督將軍元帥軍師名號在卓旗山舉事蔓延於三角塘中心村庫涌鰲溪朗九曲林一帶附城之愚頑者靡然從之泥塾沙岡尤甚兵役亦多入其會

十二月邑紳士林謙等稟請知縣陸孫鼎革大當積弊緣攤丁歸糧之後圖差借役橫索名曰大當又曰當大役民受其

害至是謙等控之縣陸孫鼎猶豫未決適會望顏由福建布政使罷歸致書陳之其弊遂除

附闔邑公呈具呈直隸試用知縣林謙稟貢生吳景濂等呈為聯懇革除糧差訛索大當銀兩以蘇民困而裕輸將事竊惟地丁錢糧國計民瘼利病相關若香邑圖差藉票訛索大當銀兩靈國病民其害無極查本邑共一十四都除客圖不計外共分四十四圖每年向有飭舉總催之票名曰金花票糧胥每按圖分肥瘠賣票於差差遂向輪年之戶訛索銀兩謂之大當又曰當大役當現年票之買於房既貴則索

香山縣志卷二十二 紀事

年

於民亦多前屆之所索愈多則後屆之所買益貴數十年來有加無已各戶不勝其擾不得不甘心隱忍科斂以供之田多之戶按畝科派每畝出銀自一二分至四五錢不等田少之戶科派又及於白丁每丁出銀自五六分至六七錢不等即田賦已絕而既為一戶亦必措辦數十金以致短嘗缺祭賣女鬻男甚有畏累自盡者中下之戶每值輪年輒為大戚或以此為丁銀不知我朝自雍正年間已將丁銀攤入地畝而力役之征統於田賦實為聖代鴻慈乃本邑稍貧之族仍不能免出丁銀是朝廷久已免役蠹役反行私抽又或疑為本邑夫役如北省之有大差雜差不知吾粵為賦重役輕省分本邑更非衡劇通衢實無一項取給於此又或以今之圖差即里長職事然每年各戶瓜所與圖差錢文約計十甲之糧誠里長職事然每年各戶瓜所與圖差錢文約計每一名皆有百數十千至二百餘千不等是本有圖差工食並未令其枵腹從事而此訛索大當銀兩乃在常年工食之外查田賦則例每畝輕者銀不滿五釐上者銀四分有奇今私抽之項比正賦有加數倍數十倍者民既竭以賄差安能有有力完糧而差既得賄遂於甲內之新徵舊欠亦任其延宕是圖差有催之名無催之實民間只供億於差仍拖欠於官也此項陋弊查外省鄰邑皆無即吾邑另設番順新之客圖亦無此累而吾邑士著之民因官有飭舉總催之虛名致令胥差賣票買票反藉為遞相訛索之地徒使閭閻受害於糧務毫無裨益知仁智兼存之君子所斷不忍為不肯為者也尤有甚者凡戶有欠糧應拘的丁故勒令富戶代納例有明

禁今圖差反程一例曰一丁有欠合族皆可拘追夫罪非甚重父子不相及未聞催糧有此峻法者且其所拘非必到官飽所欲則釋之耳苟其人可以魚肉但與欠丁同姓雖並無糧欠亦在鎖拏而所欠的丁無錢可索者轉得逍遙無事遂致欠者仍欠糧終不完民困益甚此尤圖差之稔惡為民之巨害也至各戶完欠細數例載歲令里胥開送查對出示本里所以昭核實使人預籌辦納也今十甲新舊欠數止交圖差手執而糧胥又往往往匿開米數合銀幾分俟花戶照數完納後次年再出遂為舊欠合圖差出其不意拘拏嚇詐常有正供銀米不過幾釐幾合而所勒至有錢數千銀十數圓者迨花戶補納不得向房查抄實數糧胥又從而索之年愈遠者索愈多寥寥幾字亦費白金數錢而後得以投櫃清完此又胥役之串同訛詐均宜禁革者也幸逢仁憲勤求民瘼痾瘵在抱用敢縷陳其弊聯叩臺階伏乞俯准嗣後停止飭舉總催之票只給圖差催糧之票以總催一圖之糧令各花戶依限完納其逾限不完者必拘的丁不准濫及無辜而各戶爪每年所給圖差工食即為總催工食不准令索大當銀兩並革除金花票陋規則糧胥無從賣票圖差亦無從買票自無所藉以訛民且令糧胥將各戶欠數照實開列務令欠票與卯簿相符斯胥役串匿圖詐之弊亦無由而作將見民困日舒民生日遂感戴仁慈踴躍輸將魚釋鱗尾之災菽屋免追呼之苦 國計民生萬世永賴矣 會望顏書徵收一事前接林孝廉寄到條示具見審慮周詳持重勿輕之至意然以愚昧讀之似老父臺過於詳慎而不遽欲掃除積弊

香山縣志卷二十二 紀事

至

以甦民困者又似考父臺因公事紛集於原呈條議未暇遍閱而猶有遺略者及轉思之乃決知非盡老父臺本意而暮胥丁役之參其議也弟賦性慙直不善諛詞如蒙恕其狂妄請為老父臺再陳之查第二條所示故留尾欠貽累花戶一節應諭糧胥填給油串倘仍稍留尾欠查出重究並諭花戶完糧按年清完查明填串收執毋任朦混第四條所示匿不割稅一節令責主呈明責成各鄉紳耆族長清查如有寄戶代納兜吞入己者指名稟究以憑拘押過割第五條所示輸嘗積欠一節將各姓祖嘗積欠以憑房另造清冊交各該姓紳耆值理詳查無論何戶輸收先於嘗業內撥款代完一面自向欠丁清理如違稟請拘追各等因此皆切中事理可即見之施行者若第一條所示金花票陋習各色皆有不獨香山為然停止總催之票必先有妥實之人勢難遽議更張等因夫各邑之皆有金花票不得而知而令圖差藉飭舉總催之票重索大當銀兩則香山之民獨受其害而遍詢各邑之紳民皆不知有此弊也弟曾任京尹承宣間中並代辦閩浙督署事止知各屬飭差催糧並不聞有令各花戶供大當之役而公然科銀以飽差之魚肉也即貴籍浙省花戶亦祇知輸納錢糧何曾於輸糧之外另有科斂大當錢銀而供差之訛索乎且稱金花票為陋習者何也每歲開印首進金花票則開印向糧胥索取開印利市四百金於是糧胥賣票於圖差以償之而差既買票又索花戶之大當銀以償之票名飭舉總催而每年催糧實止一圖一差何會真有總催之人祇留此空名以為門丁胥役遞相訛索之地徒令小民受害於糧

務毫無裨益此而謂難遽議更張是特門丁胥役之恐其不利於己而作此難耳豈真有礙於徵輸乎孟子曰如知其非義斯速已矣吾民受胥役水深火熱之害者指不勝屈此特其端耳今明知其為陋習相沿而故有難詞豈我老父臺勇於從善之本意乎且前承面允明歲不出此票之諭闔邑百姓聞之莫不歡欣舞蹈歌誦循良老父臺勤求民瘼豈頓忘前言乎弟故曰非盡老父臺本意而幕胥丁役之參其議也至圖差每年工食卽是里長工食之論原未嘗令其枵腹從予圖差至欠糧不拘的丁任意勒索賄而後釋以致欠者仍欠糧終不完民困益甚此尤圖差之稔惡為民之大害而條示會未之及弟所謂積欠而言若新糧之不准帶欠固不待言今讀條示恐各戶恃有分年可恃則愈加拖延卽新糧亦必觀望等因查原議本有明定章程分限完納如更拖延立卽比追之語竊謂欠少者原無庸分限若欠多者不合分限一味追呼亦徒飽差之訛索耳究何裨乎若大黃圃包收包納之法亦不能無流弊惟孰完孰欠飭抄各鄉戶冊給令族紳查催尙為可行夫紳士誠未盡皆公正之人而每視官為轉移官公正則公正之紳士至官不公正則不公正之紳士至以類相從其應如響官誠力救民困未有無公正之紳士出而應命者似無庸過慮也至虛稅撥補一節誠如條示所指諸弊然有祖父遺留虛稅而子孫竟茫然不知其來歷者若無法以處之則欠者永欠更無清完之日且卽准其尋荒撥補

香山縣志卷二十二 紀事

亦惟有力者始能辦理其有祖父虛稅至子孫窮乏者卽欲呈請尋荒撥補亦無其力似應准其呈明聽候確查次第查辦耳已上各條惟圖差訛索大當錢最為目前之大害但總不發飭舉總催之虛票而另給一圖一差催糧之票令當總催以催一圖之糧悉令各花戶依限完納逾限不完者必拘的丁不准濫及無辜而各戶爪每年所給圖差工食卽為總催工食卽不准另索大當之錢尤不准開印索取金花票開印銀兩則糧胥無須賣票差亦無事買票自無所藉以訛民斯民因蘇息感戴仁慈其有不激發天良踴躍輸將者非人情也仍請俯察原議詳加採擇萬家生佛孔邇與歌舉在斯矣

二十四年冬會匪攻濠頭張家邊鄉人格殺之邑城戒嚴訛言四起典史王炳元吏目汪政語知縣陸孫鼎以為歲暮常事獲會匪黃孔懷等悉寬貸且張示撫慰羣匪鄭松等連劫城南徐李劉等家右營捕獲之汪政僅以荷校徇輿論沸騰始繫之獄匪恃官之蒙蔽也使婦女以鬪殺為詞竄富家者名於牘中署副將洪名香督兵捕之稍斂戢而余太平劉斗

之徒又起蔓延欖都西海十八沙賊船如織紳士控於大府
總督耆英巡撫程喬采檄知縣丁灃樟知府倪澧先後至十
二月二十夜賊擾東門外城中譁達旦丁倪歸猶諱其事督
撫嚴責陸孫鼎始懼小欖司巡檢返自城中途被擄駐防小
欖千總潘慶救出之捕賊首歐陽從寬等八十餘人

二十七年夏四月欖匪張斗聚眾萬餘人設偽官職屯營於
下基安塘等處潘慶祥與張斗善飭知其情約五月初八日
舉事馳告縣協帥師至會兵獲張斗等誅之欖屬平周配琚
時已就擒龍眼里人劉光瑤以禦夷功受六品頂翎素剽悍
與高明遠埒不相中欲擒獻之以邀賞明遠爲族人斫傷足
出入皆八人舁之行光瑤乃潛伏死士於明遠所住豪兔村
中夜舉火揭官軍旗幟明遠駭愕伏者陡出舁之奔遂獻於

香山縣志

卷二十二

紀事

三

縣陸孫鼎以明遠解省寘之法續獲其子高世隆孫高解戮
之亂乃定說者謂陸孫鼎養癰貽患卒能急捕嚴辦蕩除寇
氛其功正不可沒自後雞仔小刀等會類潛伏草莽間無敢
篝火狐鳴者矣

咸豐三年南村賊伍時洛嘯聚抗官兵楊大登劉升庸領屯
勇助官捕之賊轟礮擊勇升庸率勇冒鋒鏑進賊乃潰復以
大義激之併力擒時洛

咸豐四年夏五月辛亥會匪何六糾集石龍市傭起事於東
莞鄰邑土匪應之鄉堡以次淪陷從逆者裹紅巾服戲班衣
冠豎紅旗上書靈靈靈彪彪彪造洪順堂洪義堂印
點畫多用三字隱藏三合會默記名曰轉旗設將軍元帥軍
師先鋒偽號名其黨曰洪兵官兵麾幟用白賊遂名曰白兵

知縣邱才穎於賊之初起也諭修港口上聞濠涌壘石礮臺嗣以寇氛日逼設公局於崇義祠舉紳士何贊清李鸞儀劉元貞黃棟梁等捐軍需募水陸壯勇購器械並諭城鄉各設練局分防水陸賊船頭目周秉寬拖船頭目洗瓊開各以其船伍稍日應募至共五十六號分派於港口東濠象角濠涌四要隘以營弁紳士分領之城鄉皆有備六月邱才穎遣署守備歐炳釗率縮船十艘兵千人守小欖欖人以守卡有備歸其船未幾而亂作

七月初十日九江會匪李洪英

一名搭棚英

攻小欖土匪盧靈飛

一名靈暉黃庚二朱鬼晚李大躉社等潛約為變遂踞小欖脅鄉

民裹紅巾列營樹赤幟是時龍山龍江賊踞順德城號東義而欖匪與黃圃會匪黃福等號西義西北濱海之鄉如潭州香山縣志

卷二十一

紀事

黃圃黃角曹步古鎮海洲以次淪陷於賊

閏七月初六日東西義賊合攻太平沙鄉勇拒敵殺賊數十而眾寡不敵燒毀民房數百家戕數勇男女越海逃淹沒無數初九日攻第六沙居民奮力戰殺數賊十二日賊攻象角土臺燃礮拒敵礮毀傷數勇賊奪土臺樹紅旗於臺後之獅山紳士林德泉彭時清等聞變率練勇馳至殺賊數十生擒數賊拔其紅旗賊退屯觀音沙檣如櫛比周秉寬雖應募而皋瀾賊杜旺其假子也陰與通懷兩端相持三晝夜十五日邱才穎與紳士往督戰中途見港口火起邱才穎先歸手書諭象角領隊胡元階督守船出長海救之長海灣窄水淺且賊眾我寡逡巡不敢進港口蛋匪梁湛聯等皆已應賊港口環海汊港四通賊自羊蹄潛登北岸圍基

沙潭築石捍水者日圍基其內低級

日二牙可以破聲殷天又自草塘牛髀濬入分流口登西臺
伏人不受破破聲殷天又自草塘牛髀濬入分流口登西臺
後路縱火焚臺殲守勇又自灰爐濬渡太平濬登東臺後路
殺陳星漢勇潰卽以礮反擊拖賊爭道奔歐炳釗被戕洗瓊
開以前後船壅塞不能施礮亦敗歸邑人震恐惟才穎與贊
清等坐局籌畫拒守不爲動是夜東鄉紳士林謙鄭藻如等
督援勇馳至連營於東門外楊大觀等議牽龍鳳船橫南六
海是夜胡元階督率威船郭碧城等載沙泥沈之塔賊進攻
之路並加柵於龍鳳船外時賊踞港口括場圍錢穀頓兵大
響待張溪舉火內應乃入兩鄉人獲奸細蕭不知黃碧杜杏
等蕭實東奔賊知事泄不進十六日邱才穎誓師上開整臺
諭以大義曉以禍福示以重賞領隊胡元階威勇郭碧城拖
日洗瓊開等皆聽命兩鄉紳士曾就顏等召員峰張溪之民

香山縣志

卷二十二

紀事

五

鼓勵之黃安邦亦以長洲鄉勇至十七日甲申朝食師興時
東南風起因風縱火焚南港廬舍烟燄迷漫賊礮不能施洗
瓊開奮前轟擊諸勇繼之遂大克之賊遁獲大船九生擒梁
林仔等礮斃水溺者無算東西兩岸掃蕩一空我軍以港口
殘燬賊必不再據亦鑒於前失不復守師還駐上開十七日
夜賊船百餘隻潛泊涌口門窺伺劫掠適欖邊南朗下柵墟
渡船停海口礮礮擊之沈其船九斃賊三東鄉聞警赴援賊
乃竄是時黃福黑皮廣等奪潭洲港拖船據大鯪沙杜右據
橫槽擾東海陳五岡背據雞籠芙蓉等沙擾西海林譚保據
磨刀掛碇擾南海高老勝亦起於南廊鰲峰等又起於黃梁
都踞小濠涌其父結高瀾賊杜旺豆皮盛等爲外援攻斗門
土城黃梁都巡檢翟文俊紳士趙夢梅黃桂森等絡繹告急

而上下閘之外水路梗塞購礮銃者皆由陸達於澳澳夷亦戒嚴

二十三二十四日賊大舉繫紅旗於南八西岸松樹上爲疑兵攻西路之青薑竹仔林村攻南路之龍眼樹涌沙田金角環寮後曲涌村沿海焚掠濠涌塾臺守船扼之不得渡是夜二百餘船分道寇小隱港及藜村之下伽涌二十五二十七日兩攻東利下伽灰爐三涌濱海村庄悉被焚劫鄉團大集援擊獲其探水賊郭進景賊始退官紳以東濠在上閘塾臺後礮不能及且孤僻難守命堵塞之至是賊自東移泊南六攻上閘偷挖東濠又自木鷺逕登岸北門士民分兵禦之上閘塾臺守船轟沈數船賊竄東海攻張家邊四門濠頭村以小艇入各涌焚劫再挖東濠犁頭嘴水柵各鄉民連戰鎗礮

香山縣志卷二十一 紀事

美

齊發賊乃遁旋攻象角日夜礮聲震天我礮至五六發不能再燃賊更番戰我幾殆適鄭允仕載三千斤大礮至獅山連擊中之賊逃再攻金角環寮後曲涌村泊寶鴨石逼下閘賊之敢采入也恃大涌有內應無後顧憂初象角大涌皆有土人接旗受賊僞職召給紅旗號名曰接旗格於其鄉紳士不得逞又見城局併力拒賊且屢勝乃反正同仇賊未之知二十六日大涌人伏礮於蕭家渡聞濠涌臺船礮響乃自尾夾擊之濠涌鄉勇又移礮於臺東之松堤賊不及見礮發賊驚皆逃死自是不敢復窺南路

西海入縣城必由獅滘而象角獅山礮臺扼之象角龍聚環嶺後五鄉局又以船載沙石沈於觀音沙口堵其闌入之路由草塘橫欄諸小滘而入亦必經長洲鄉之大埗頭重紆壘

曲乃可至我迎擊則無不中大埽頭有礮臺舊址長洲人修而守之西路亦不可進賊乃專意於東北於是添設土臺於上開礮臺之西偏又添設土梁於溪東藩以叢樹員峯鄉人修故宮基環以塹張溪鄉人加厚土牢堵東濠自基邊至岐頭七鄉堡連團列卡東路則徙冰山卡於傘樹壑南路仍添設礮臺於大涌林家渡對岸黃泥潭再設小土臺爲犄角以固門戶濠涌礮臺又添設營卡以防登山襲我之路自金角環至曲涌烽烟相望內守益密故雖危無恐

八月初一日卸海口營守備黃彬候補守備羅福安帥舟師督標千總王顯東莞副貢生鄧林春帥陸勇共船七十餘隻奉總督檄赴新會解圍沿途擊賊至騰蛇瀝大南海獲大船數隻焚小船無數至小欖沙口賊要之黃彬等衝擊而過至香山縣志

卷二十一

紀事

三

南六海會官紳於上開頓兵一日由下海往新會過石岐自北迤南十里外白旗如積雪人心始安賊偵知黃彬兵已遠去十二日其游船撲張家邊鄉人擊却之

十五日副將劉廷光率頭艚拖舫四十餘隻攻小欖時颶風甫息東南風大作十七日朝食時潮已落牽纜逆流上賊拒於沙口礮臺伏礮欖面沙圍基潮落已盡兵船悉陷於淖賊全集擊我奪頭艚船一斃水勇數十貲裝盡失劉廷光奔回

縣城

俱同上

二十日順德容奇鄉僞元帥關士彪楊甲成楊肥順何新僞先鋒關花面添寶珠九陳大廢率賊數千駕二十餘艘圍眉蕉大傘海攻劫小黃圃一帶鄉人奮力禦之礮斃數十賊遂潰圍二十七日署守備黃建勳帥師勦林譚保於孖洲海殺

賊無算

採訪冊參陳坤
粵東勦匪紀畧

九月初一日紳士何信韜等統水陸勇船四十淇澳司巡檢劉省三護其軍伐小濠涌鄺鰲峰遁其村人縛獻其妻子及偽先鋒鄺德等遂解土城之圍採訪冊

十月初五日賊攻全祿石井村鄉人以大礮轟擊之獲賊船

一生擒數十

方賊英之初破小欖也懸偽示設禁民頗相安久之乃肆劫掠賊英遁回九江其眾互相雄長民大悔小欖紳士何瑞丹赴縣籌小欖招討事宜

十一月初三日黃圃賊五十餘船泊橫門遍榜洪順堂洪義堂徵糧偽示於海岸當時農人漁父莫不十百爲團人自爲戰初四日寇張家邊農人拒而退初五日黎明入下伽灰爐香山縣志卷二十一紀事

天

東利三涌拔水柵焚場舍近鄉以次來援戰於爾家環傷鄉勇二人我亦傷其麾旗賊目午後賊再入下伽灰爐兩涌礮聲訇訇移數晷村民臥旗息鼓俟其懈轟礮三帆落舵折遂遁夜漏將盡賊復登岸援兵鼓角齊鳴山谷響應賊不測我兵多寡走還黃圃

十二月十八日寇東鄉水洲山礮臺截擊之二十日賊船百餘自百花口至南六外委湛真偉湛洪亮以前山營兵赴援營於牛口山下會就顏等督勇目潘勝等於上閘土臺礮擊之護臺之拖戩亦夾擊賊敗走二十一日下東海分三路入張家邊村每路數百人冒死衝突鄉勇馬日仁等奮擊敗之賊以小艇渡藕塘濬乘潮進水洲礮臺又擊之中其大艘鄉之農父樵女荷戈守險署左營都司楊耀宗及城圍紳士督

援師至賊自橫門白花海分道去

五年春正月二十一日賊大至自南六東岸登張溪基邊城南練勇禦之自南六西岸登入至鴨利沙長洲城內練勇前山兵禦之賊多中鎗死臺船礮齊發賊左右不能自顧中其前隊及火藥大舟岸勇銜刀泗海緣賊船舵牙上賊斃勇二人羣勇大集洶湧而登短兵殺賊奪其船卽轉舵以礮攻其後獲大船大礮盈甲旗幟偽印無算追至港口外賊以二巨艦橫牛脾口焚之我軍不能逼賊逃去痘皮盛見勢漸蹙欲乞降杜旺不從遂與黑皮廣殺之杜旺餘黨大噪殺黑皮廣高老勝欲降於東鄉不果遂遁去省城近屬以次芟夷破東義復順德城黃福等失東義援皆竄走生員何上俸等擒賊黨何跛壽數人馳報縣邱才穎使李朝佐解省誅之黃圃平香山縣志卷二十二

紀事

堯

西義賊日益孤

二月初九日紳士何瑞丹劉汝球率鄉勇收復小欖賊曾社吳萬剛鍾成就反正初十日瑞丹集鄉眾於王中丞祠合轉白旗賊猶負固瑞丹怒拔劍起眾兵手及從大呼曰領旗來遂拔紅樹白有賊行劫者獲之瑞丹自斬以殉汝球復擒賊目朱鬼晚等八人解縣銃斃之王長庚遁

三月十六日賊洪英率船百餘由鶯哥汎順流下復攻小欖吳萬剛鍾成就實應之踞礮臺外委李雄剛拒戰練目李潮燃巨礮轟沈賊艘二斃賊無算賊退四月知縣邱才穎協鎮劉廷光率兵至小欖擒吳萬剛鍾成就寘之法賊黨四百餘枷斃之賊悉平是役也軍需三十餘萬戰守十越月而城池獲全官紳兵勇出力者督撫爲保奏獎功有差

俱同上

五月初五日李亞快等在澳門等處肆掠提督吳元猷於十八日統帶舟師出洋跟蹤追勦迭次兜圍轟斃無算粵東勦匪紀畧

六年秋九月二十三日丁丑英夷駕火輪船入南路至大涌

水柵外武生林國樑勇目林興寶等守林家渡礮臺發大礮

擊之中其舵尾夷婦在船中驚悸幾死遁去採訪冊

冬十月朔英夷佛夷破虎門入省河總督兼署巡撫葉名琛

方考試武科遽撤圍檄州縣團練知縣邱才穎召紳士集縣

局脩治礮臺水柵築土臺於黃泥潭再築土臺於濠涌南山

堵塞寶鴨石設卡於木鵝巡譏察東海出入

海寇聞英夷之難攻壘石礮臺守勇發礮擊之臺丁余階平

陣亡鄉人出援賊乃退

七年十月初十夜海寇襲蔡村潛以小艇火其哨船戰不利

香山縣志卷二十二紀事卒

勇目歐陽可均哨勇歐陽可梅王容簡被賊詳壇廟

十一月十四日辛卯英夷佛夷陷省城 上諭在籍戶

部侍郎羅惇衍太常寺卿龍元信刑部給事中蘇廷魁設局

團練八年春遣順德紳士何煥然歐陽泉馮汝柏李雲駒來

徵餉禁通市

八年三月初七日海寇復襲蔡村哨船哨勇洗協明許彩輝

戰歿詳壇廟

九月十二日英夷佛夷由西海擾全祿石井村西鄉義勇赴

援縣城繼之夷船乃退

九年和議成後夏四月南海縣以書來告曰英法兩國英吉利改

稱大英佛蘭西改稱大法請於制府中丞來香山游既許之矣其戒諸民

十二日壬子夷役十餘人乘三板夷人小船至石岐海入西

門城躋縣堂呈夷目書賜以酒食去十九日己未英法並駕
根撥八船夷名小火輪船日根撥進泊老安山下知縣邱才穎館英人
於龍王廟館法人於三婆廟二十日庚申才穎盛騶從臨夷
館日午歸諸夷入署請謁出夷目登阜峰浮圖又登長洲山
繪山川形勝二十一日巴頃禮來見行把臂禮道來意才穎
復賜以牲畜果物并厚賜其通事者遂去輪船出寶鴨石夜
潮落椿石激湍撞擊折壞先是六年夷警至才穎謀諸紳士
曰磨刀海底天生石如灘北臺溪口流沙積壅成坵皆天險
惟寶鴨石之西瀕渟澗深堵之便於是以前舟載沙泥橫截
中流而沈之浪急怒衝沈舟順流而徙七年冬修復終不固
八年夏董役者議以沈舟直排如櫛海底有溝以通潮汐然
後橫加於直排之上層疊如井字夾以長椿遂不復衝動水
香山縣志卷二十二 紀事

空

既阻而緩改而趨東東口逼狹至是迎火輪而戰故壞諸夷
至澳始慶出險云

十年八月初四夜新安土匪擾下伽灰爐兩涌沿海蛋民被
掠者五十餘家九月初三夜由下伽涌欲窺內地爲巡防船
所阻乃肆劫諸船燃鎗礮轟擊船勇阮根祥勇目彭仲倫等
被戕同治元年鄉人稟官立義勇祠下伽臺下祀之 共七人詳壇廟

同治三年海寇劫荔枝山鄉先是漕涌亂後其黨會大鵝福
袁亞興等逃匿黃梁都之大淋山結洋賊嘯聚其中地祇片
壤洋海四周與漕涌古兜犄角且港口淺窄兵船不能進至
則聞風彘脫三年後寢猖獗駕船出沒行劫擄人勒贖謂之
心又謂之羊殺稍遲則箠頭 以紗紙箠頭水沃澆足 澆以縛
跼倒懸又遲則殺之濱海村如白蕉坭灣大浪環三竈乾露

小濠涌一帶橫行焚掠無虛日

九年七月知縣徐寶符副將羅福安參將鄭耀祥奉督撫札會同新會新安營縣兵勦大淋賊十六日都司何飛熊擊賊於媽閣海外轟沈賊船二獲賊一追至大淋平塘等處獲賊二奪賊船礮械無算二十一日鄭耀祥何飛熊回攻大淋督兵分東西兩路登岸賊眾迎拒兵勇奮擊獲賊數十餘泗水逃二十一日省勇登大淋島焚其草舍八月三竈海外獲賊鄧安山等十餘人

十一年九月三十日三竈海賊聚深井後山高巖都司何飛熊會同新會營兵守備黃祥率營兵捕之獲麾旗賊首一賊敗走追至望天臺山賊伏礮叢樹間斃外委馬龍安及兵曾亮升數人後隊兵進來擊破其巢出被擄男婦十餘人幼孩香山縣志卷二十二紀事
二人餘賊多遁俱同上

祥異

宋淳熙十一年大旱明年饑詔有司賑卹 慶元五年大水 開禧元年旱詔賑之 嘉定十四年旱 淳祐五年夏五月晦颶風大作夜潮不退晝潮沓之淫潦暴至瀕海室廬水深四尺民多溺死 寶祐元年夏六月旱 祥興元年秋八月星隕於海

元至元十九年夏六月海水溢傷稼 延祐八年饑 至治二年秋九月地震 至正十八年秋大水 二十五年秋七月彗星見於斗牛縣民訛言大軍至後征南將軍廖永忠帥師入廣州 明洪武元年春彗星見南斗 五年夏四月地震 二十八年大旱 二十九年旱 永樂二年冬十一月民居大火

七年夏五月大雨水害稼 九年大有年 二十一年秋九

月嘉禾生於龍眼里 宣德元年秋九月大雨水 十年冬

十一月雷 正統八年秋九月大饑詔義民出粟賑濟者冠

帶榮身千石以上璽書旌門 十三年秋八月民訛言石岐

浮人截頭明年黃蕭養作亂 景泰元年龍眼里大檀二村

穡不播而獲日穡二村民以黃寇 七年秋八月戊戌朔卿

雲見 天順五年大有年 成化三年秋大饑斗穀值錢六

十六文錢法大阻好惡皆二當一曰掛索錢 八年春正月

旱 十年秋七月大雨水 十六年夏五月癸巳夕地震有

虎入城郭食一人多被傷者秋冬疫 十七年冬十一月壬

辰冬至夜昏大雷電雨二鼓盡乃止是年有虎患連年未息 畜疫

雞牛豬 十八年畜疫秋九月震雷 十九年夏五月海潮

香山縣志 卷二十二 祥異 壘

溢壞瀕海民居傷稼 二十一年夏霖雨一月蟲食禾節歲

歉秋七月饑 二十三年春不雨夏四月疫五年祝志云年

作庚申地震有聲虎暴附郭及龍眼都甚 宏治元年春正

月丁酉震雷有蜚早禾不獲夏四月不雨至八月晚禾不獲

饑 三年虎暴龍眼谷字二都甚至有相 四月有豺舊惟黃

至是在在皆有焉 冬十二月芝草生生於儒學西號廢垣一

五年夏六月無雲而震冬十月辛酉雷電雨如春甲子夕陽

而雷昏而電雨甚夜分乃止乙丑烈風而日 六年虎暴字

都七月畜疫自壬寅至是羊 十年秋九月壬戌雷電甚雨

越三日雷電雨如春申志 十二年斗米值錢十枚何大佐

十三年大有年 十四年春不雨四月雨始電 正德三

年饑 九年秋八月颶風害稼 十四年春二月丁卯雨霰

暴雨夏五月不雨至秋九月晚禾不獲良冬十月丁卯雷電

雨如春嘉靖二年秋八月丁巳方釋奠忽颶母互天大風

拔木摧屋縣學櫺星門毀四年蓮塘民鄭七仔妻一產三

子七年春正月不雨至於夏六月八年秋八月颶風傷

稼九年饑十四年夏四月大水十五年饑十八年

冬十月地震二十三年夏六月颶風大雨水城東南牆堞

盡壞二十五年秋八月颶風傷稼大壞舟楫民多溺死陂

池潰決魚皆散逸二十六年春淫雨秧苗凍死歲饑二

十七年水災田稻失收三十年三月雨雹九月颶風傷禾

稼三十二年蟲傷早稻歲饑三十六年二月雨雹六月

晦日地震三十七年春旱蟲傷稼七月地震四十五年

正月日中有黑子五日乃滅早禾蟲傷七月潦水大至米價

香山縣志卷二十二 祥異

騰貴隆慶二年二月雨雹大風三月天陰無雨四月潦水

至早禾半收三年六月颶風大水壞屋九月晦夜旄頭星

見西方長五六尺四年二月雨雹五年九月颶風作水

大至歲饑六年春旱夏潦歲大饑萬曆元年七月八月

大水傷禾十月大雷電五年立秋後蟲飛食苗盡白九月

彗星見西方尾長五六丈白氣互天至十一月八年九月

彗星見西方九年九月至十二月啟明星不見十二年

六月朔日地震七月朔復震十三年夏四月大旱九月大

水十四年大水蟲傷稼二十一年七月雨雹如石壞屋

宇二十九九年九月大水冬詔免明年夏秋糧三之一四十六年六月

五色雲見於小欖八月旄頭星貫太白十月彗星疊見四

十七年春熊羆雄一雌一至泮橋上學役獲之畜於

逸去夏五月大風檄縣衙民居毀塌無數 天啟三年秋九月獲白鹿於湖洲山知縣周維持範銀為牌銘曰國家禎祥命獵人畜之大麓 四年秋七月瑞芝生於小欖國學生何贊侯南漪館壁祝志云何吾 六年夏四月米貴翰林院編修何吾騶奉使回里捐米煮粥貴糴賤糶存活甚眾 崇禎

九年五月大饑以上申志

國朝順治五年米貴知縣劉起鳳賑粥祝志 九年八月朔地震響如雷鳴次日又震是月颶風大雨三至晚禾災穀貴民

饑八月乙巳豬生子人頭隻眼頭生一角人身豬足無毛

十年正月饑穀一石銀一兩七錢饑死者眾知縣煮粥賑之穀價增至每石銀三兩米一升銀七分五釐至六月民始甦

十一年二月庚午石岐河水如血凡二日六月乙亥夜地震

香山縣志卷二十二 祥異 奎

震 十二年十月辛巳雷鳴小雨癸未雷鳴大雨十二月大

雷雨電以上申志 十八年有星隕於地 康熙三年彗星見

十三年春二月雨雹 十四年三月丁丑雨雹 十七年虎

至 十八年八月庚寅颶風 二十三年大有年 二十七

年虎患盡息 二十八大有年 三十三年春多雨以上暴志

西潦大至釜浦陳雙遺鈔 大有年 三十六年正月雨至二三月大

饑六月丁丑颶風大水 三十八年大雨雹折樹倒屋 四

十年大水壞廬舍 四十一年八月颶風大雨 四十二年

疫 四十三年大有年有飛星光如斗大 四十六年大水

壞廬舍 五十年七月甲辰颶風 五十一年四月乙亥颶

風拔木八月庚辰颶風十一月虹見 五十二年大饑 五

十三年疫 五十四年正月初八日天裂始西方次天中終

東方逾三十刻乃不見正月十三日大霧至十四日光甚烈
四月旱十三日有大星二出於東方六月復旱 五十五年
六月旱有大星隕於東南方 五十六年七月戊辰颶風壞
屋十一月地震 五十八年十月壬子虹見甲子雷鳴 六
十年雨黃沙雹如拳 六十一年九月戊子颶風櫛星門義
路門俱倒市可行舟平嵐諸鄉多溺死冬十一月辛卯雨雹
癸巳雷鳴大雨 雍正元年五月丁酉颶風大雨市可行舟
以上 六月初二日颶風水高七尺十六日復颶風折樹倒屋
暴志 覆舟 釜涌陳 二年十月庚寅虹見 三年桃李冬實 暴志 大
水十月大雷有大星色赤墜地 釜涌陳 四年饑 七年大
有年 八年大有年 乾隆元年大有年 以上 二年六月
辛未日有泡珥 祝志 三年秋七月颶風 五年大有年 七
香山縣志 卷二十二 詳異 突

年春不雨夏四月雨秋大稔 十年秋九月颶風 十三年

大有年 以上 二十四年疫 四十二年七月颶風 四十

八年西潦大至 五十一年饑香山司冀元亨倡捐賑 五

十二年饑 嘉慶元年六月朔西潦至颶風 二年閏六月

颶風大水 五年五月癸未颶風拔木 七年三月丙子雹

八年小欖麥縱家菖蒲實 十年饑 十一年四月饑

十二年二月乙未雨雹大如桃李 十三年二月旱六月太

白經天八月彗星見西北長數丈白氣亙天數月不滅 十

四年四月饑 十六年辛未彗星見六月丁酉颶風拔木

十七年彗星見于西北 以上 七月十六日夜月蝕將復圓之

際月中忽吐火如毬降於坦田開蕪禾數畝秋稼將登有蟲
嚙禾心一夜幾盡 黃芝粵 八月壬辰颶風 十八年五月己

已西潦大至早稻失收七八月禾間變爲葱九月己卯地震
稻將登有紅頭黑甲蟲食之三日殆盡 二十年七月丁酉
地震 二十一年十二月丁亥夜地震 二十二年三月恭
常都大雨雹五月戊午西潦大至十月甲戌大水丙子夜雷
電十一月丁未夜電 二十三年正月甲辰上涌村產一豕
二頭一身八足二尾又是年產一牛五足其一足在尾雨雹
三月壬子雨雹五月壬子西潦至 二十四年八月颶風
道光元年疫四月蟊螟食禾苗五月西潦至早稻失收六月
癸巳夜古鶴村西北有聲如風雨拔田中茅廬擲數百丈稻
粒脫盡粟仆地如受櫛介涌拔石闢一民房二十餘果福緣
村毀神祠一大樹數株吉大村拔醮棚一詢之皆同時 二
年疫 三年疫四月壬子香山場五色雲見五月癸未西潦
香山縣志 卷二十二 祥異

卷

大至七月己丑始退早晚稻失收十二月朔地震 四年二

月辛酉雨雹四月己亥初昏星入月七月辛巳夜地震乙酉

夜有星大如斗光如月自東流西 五年四月西潦大至立

秋後東北有星尾長丈餘指天街之陰十月始沒 六年清

明雨沙四月己未甘露降是月旄頭星見胃昴間秋乃滅五

月颶風以上祝志 七年春夏旱林謙退思雜錄 七月庚戌黃梁都羅冲

村一雷擊牛十一祝志 九年春旱泉水乾禱雨南門三日一

啟閉夏六月初五日颶風雨秋七月颶風大雨 十年春三

月旱甚伏雌每夜失翼毛或失尾毛若有翦之者剖之雞之

五臟失其一秋七月三十日夜子時初二刻地震八月十四

夜颶風大雨三日 十一年春旱 十二年春正月寒甚下

旬數雨雹以上退思雜錄 雹如碗如盃擊斃一牛採訪冊 正月二月皆

陰雨六七月間颶風五學宮櫺星門圮喬木折屋瓦飛去

十三年七月颶風西潦大至 十五年春夏旱閏六月十二

日颶烈甚學宮戟門破豐山書院龍門坊圮飛蝗遍境自廣

西至北風作乃隨風去溺於海冬十二月二十二日大雨雪

自卯及辰 十六年四月十九日酉刻西南角白氣一縷向

空飛形如白蛇盤旋天際有聲漸從北方而沒 十九年春

二月十九日亥時月色赤如血二十日之夜亦如之秋七月

十五日亥刻有星三彼此相過數次交流如織數刻乃不見

以上退思雜錄 二十一年竹有華六月初四日颶風初九日颶從

西北來水大至旱禾大傷 二十二年春二月彗星出西北

指東南長丈餘數月乃滅以上採訪冊 二十三年夏五月十二

日大雨水釜涌新村壞民居六七十家退思雜錄參採訪冊 秋有氣出

香山縣志卷二十二 祥異 突

西北五色如帶下垂採訪冊 二十四年春大旱 四月西潦

大至五月復至漲壅不流舟行禾上多有棺木漂下涌口門

海 二十六年霜降日大風 二十七年霜降日大風 二

十八年秋八月初三日颶風風過有光如電地震秋九月二

十四日夜颶風復作海漲潮既落復風三日乃止以上退思雜錄 十

五日至三十日黃梁都颶風三次山田禾稻雜糧俱壞 咸

豐元年十月虎至九洲基千總歐炳釗鎗斃之 四年夏有

星孛於西方夕見其尾黑氣蓬勃指東方中秋日颶風大雨

五年夏五月大雨黃梁都山崩流沙壅蔽隴畝乾霧鄉武

侯廟之右有小山上古榕高十餘丈其夜隨山移去田中

距原處數十丈以上採訪冊 六年夏大雨逾月禾穀朽腐秋九

月大風損禾旱自九月至七年三月下旬乃雨 七年春正

月十七日未時東鄉雨雹如珠秋九月有蟲長寸許黑身紅首遍體生毛日出伏禾莢中其繭如蠶夜出食禾莖九月十月柰子荔枝實 八年秋八月旱至九年夏末乃雨二十一日夕有星孛於戌方光燄如火筒長丈餘自西至亥十年春乃滅 九年春恆寒夏四月酷暑中秋後旱連月不雨以上退思 十年竹有華夏彗星出西北長數丈掃左旗河鼓數月乃滅 同治元年秋七月朔颶風巳時風息午後復大作雨甚水暴至高丈餘瀕海民居淹沒甚夥 六年春二月十九日大風雨雹夏復雨雹大如蓋小如珠冬十月空中有鉦鼓聲自暮達旦 七年十一月十八日晨雨雪 九年夏四月黃梁都地震十一月十七日雨雪 十年竹有華春旱夏五月至六月恆陰雨五月二十八日颶風初八日復颶風大雨

香山縣志 卷二十二

祥異

究

損禾秋七月十五日戌之初有星自南海北流十八日夜颶風大作拔木揚沙岐頭樹偃斃二人民居多損壞海舟多漂溺十一月大雨雪 十一年四月有蟲紅嘴嚙禾心立槁十二月二十日石岐火 十二年四月太白晝見四月初一夜南門火六月十三十五日有火夜飛大如盆 十三年三月二十四日雷火焚澳門夷人板障廟斃夷人二已而大雨火愈熾焚其所謂祖公十字架者惟觀音殿龕獨存六月中旬彗星見秋八月十二夜颶風大水害稼拔木壞屋無算澳門小欖同時火災水火風交瀕澳門尤甚舟盡覆漂溺萬餘人夷人聚而焚之旋疫冬十月十六日澳門復火 光緒元年三月二十日大雷雨澳門擊斃一夷四月初三夜石岐火二十七日日大風雨以上採訪冊

雜記

老萬山自澳門望之隱隱一髮山有人懸結見人輒入水蓋
盧亭也晉賊盧循兵敗入廣其黨泛舟以逃居海島久之無
所得衣食生子孫皆裸體謂之盧亭嘗下海捕魚充食能於
水中伏三四日不死事見月山叢談釋今種有盧亭詩澳門記畧
小黃圃瀕海鄉也宋南渡始闢寇氛時作民無甯宇有鄉主
林姓行二矣其名祝志作林一江與客十二人同力保障眾食其德
後卒死於難祝志云賊大至十二客皆殉焉鄉人哀而祠之

陳官詩集

故老傳宋端宗駐蹕馬南寶宅時值初夏見荔纍纍咨賞良

久次日荔紅竟樹遂用進御云纂志方樹德詩註

劉汝賢性耽山水每遊縣南蟾蜍嶺輒盤桓不忍去一日陟

香山縣志卷二十二雜記 半

其巔坐移時奄忽逝去時二犬相從一犬奔回跳號若悲鳴

者家人驚詫往偵之已孱孱成墳矣俗名天葬墳邑志劉公

峯卽其地也纂志

香山順德番禺南海新會東莞之境皆產一蟲曰蟊螟能食

穀之芽大為農害惟鴨能啖食焉故天下之鴨惟廣南為盛

以有蟊螟能食稻也亦有鴨能啖蟊螟不能為農稻害也

洪武永樂宣德年間養鴨有準存主體統畫一民蒙鴨利無

蟊螟害焉成化年間韓都御史不知鴨準乃所以利農也疑

準主為豪戶侵牟小民之利者也革去準主聽民自畜鴨焉

利細民也細民聚黨駕船于曠莽之地縱鴨踐食農民之稻

大為民厲官惡鴨之病民也禁畜鴨八九月撫巡官督州縣

官捕畜鴨之民然而畜鴨之民以鴨為命合黨併力以拒官

兵或賄諸仕宦之家爲之淵藪主官兵如獲養鴨之民則民無保家之望如脫而不獲也則遜而爲盜地方遂日多故矣前守曹仲玉熟知積弊因陳巡撫主議復洪武間鴨埠之制定地爲圖法極詳密百世可式者也吳東湖與曹守不協竟毀其法爲久大之利宜復曹守鴨埠之法曹守之法洪武之法也只查故籍舉行焉自爾盡善不須再講求也曹守鴨埠主選民有恆產者爲之謂其有恆產斯有恆心也又畜鴨之地皆曠漠波濤之境小民聚黨頑不可制非有恆產之民頑民不可統馭也曹守鴨埠之圖專以弭頑民之畜鴨者大爲民害故凡農人之稼被鴨損食者專責之埠主埠主責之畜鴨之民如畜鴨之民縱鴨傷稼可按名責價由埠有定主田有定界不出戶庭而頑民自不敢肆也曹守鴨埠之圖雖以

香山縣志

卷二十二

雜記

三

保民稼亦以禦海賊故其令曰凡海賊劫人財搶人稻穀各埠畜鴨之民協力擒捕如不擒捕治之罪故鴨埠之法行海賊亦少戢矣惟有司時振綱紀乃無流弊

清崖集

明正統間黃蕭養作亂土賊蜂起官兵勦捕玉石不分有大攬鄉劉某婦黃氏避亂倉皇出走行至水邊忽見一牛浮至黃氏騎以渡及登岸倏不見四望波濤洶湧始知爲神物也

黃氏夫家世代不食牛云

櫓屑

上柵村太保廟拜石明景泰初黃蕭養寇粵都督董興大破之蕭養夜遁傳有馬指揮追躡至境禱諸神越日有黃鳥從空投鎗而死指揮因窮力誅養寇平以至靈至應扁表之並獻拜石今存廟中以藉杯卜其響可聞數里

祝志

景泰丙子仲秋朔旦邑庠行香後忽見五色雲出於蓮峯之

上霏靄互天黃彩為多子時在廣同舍鄭賢領批居首自負
時名其讀書處自扁元吉齋作詩有元吉協黃裳之句子竊
哂之因次韻云蓮岫倚空蒼卿雲忽降祥九霄懸錦綺五色
煥文章遠靈兼山碧非煙帶日黃虞廷如可獻將補舜衣裳
此上瑞也豈吾人所敢當耶

黃瑜雙槐歲抄

宋廣東經略使蔣之奇嘗作蓬萊仙傳陳仁嬌香山陳氏女
子也自少絕粒修煉成仙身輕能從諸仙飛遊四方今吾邑
惟壽星塘山水幽勝甲一邑有物曰赤蝦子者如嬰兒而絕
小自樹杪手相牽挂而下笑呼之聲亦如嬰兒續續垂下甫
至地而滅人謂蓬萊仙女遺類也予竊謂不然蓋土石之怪
夔翹翹耳又有大鴉高七八尺立與人齊見肉食即啄去景
泰元年冬予葬先考妣於此人蹤日多一物日少因思劉靜

香山縣志卷二十二

雜記

圭

修詩云人道乖張鬼道侵若人盛則鬼衰亦乘除之數天地
自然之理也

同上

陳璿欖都人明成化舉人鄒潮儒士也二人同里同學互相
師友勵學敦品以善化人成化時屢饑疫兩人設法拯救活
人無算其歿也鄉人追思德義建祠祀之明代倭寇暨崇禎
季年鄉盜國朝嘉慶十四年海寇咸豐四年紅匪保城護
鄉均賴神功咸豐同治時西潦疊漲鄉圍屢決詣廟虔禱水
勢立退轉獲豐稔光緒二十年大疫由省城遍傳各鄉死亡
山積遠近詣禱城鄉無一傳染靖寇弭盜消災除疫歷世愈
久靈蹟彌著駝峯之陽迄今祠墓巋然墓前有井大旱不涸
井畔植茶數株疾疫煎飲立愈皆公遺跡廟藏木質神鵝海
颺見之輒止西山茶樹南海木鵝鄉人如仰接神靈也

採訪冊

番禺陳東井政之季女讀書明大義適黃粵洲畿其翁為黃雙槐瑜其子即黃泰泉佐父翁壻子四人皆鄉賢為世所罕有祝志

邑令梁榮鄖州人例監生正德四年任催科用兇民數十人持斧前驅謂之斧手癩疾者繼之稍緩即被破滅有大戶領出賑濟穀及在官銀八百餘兩而私匿者聞之寒心盡納還官以是有能名鄉試入外簾自撻膽錄生幾死巡撫御史王吳以酷吏懲之六年賂免黜調廣昌去申志

黃文裕公嘗謂樂本於太極函三為一五聲協五行即河圖也八音合三卦即洛書也乃綜覈羣籍以周禮大司樂為主證以樂記暨朱子蔡氏諸編登歌下管參之詩書無一不合羽水知崇徵火禮卑西漢以前知音者類能道之於是立樂

香山縣志卷二十二 雜記

三

均述樂義詳載名物度數而闡明其理合大司樂樂記詩樂共三十六卷名為樂典多擴前哲之所未發者張文襄謂樂典一書簫韶可以復聞而公嘗示門人以所製琴瑟鐘磬管籥笙簫皆分宮商以倡和一日奏樂有兩雉自天而下和鳴

飛去蓋文明之瑞應云廣東新語

顯靈廟在東岸村神姓黃氏諱本韶此村人也明嘉靖間客死於外既而歸有馳馬聲隨見夢數顯靈異家人肖像祀之以神行三尊曰三舍公 國朝丙申海寇犯村神先示兆仗神靈捍禦獲免於難村人祈禱日盛乃為立廟嘉慶壬戌洋匪伺劫東岸涌口村人倉皇堵禦間晴天無片雲忽風發濤怒陰霾四合賊急遁村人不解其何故回視神廟有火光飛出直攻賊舟云祝志

鄭信廷內界浦人生明天啟間歿葬村前明季有負米者遇盜追至鄭墳前忽見一人以袖揮盜奔而躡負米者始悟爲墳中人自是莫靈數見鄉人爲之立廟上同

舊志祝志云舊志謂黃佐志載吾邑山林川澤之阻虎狼虺蝮雖或害

人然毒莫如胡蔓蟲莫如藥鬼也胡蔓草者葉如蓂花黃白

不一一葉入口百竅潰血人無復生邇來品彙益盛花葉益

異山中在在有之兇民將取以毒人則招搖若舞狀真妖物

也或有私怨者茹之呷水一口則腸立斷或與人鬪置毒於

食以斃其親誣以人命者有之知縣鄧遷嚴加禁約後得少

悛云戊子間有署縣羅明夔者雲南己卯解元於崇禎十七

年任鎮平令戊子春署香山縣事稔知胡蔓草之毒往往爲

奸人藉以挾詐愚民痛禁之下令曰凡有以事告理者人取

香山縣志卷二十二雜記毒

胡蔓草數十本左攜草右挾詞然後得進遂積而焚之四郊

遠近搜羅殆盡藥鬼者愚民造靈圖利取百蟲置器中經年

視獨存者能隱形與人爲禍隋志載其法以五月五日聚百

器中令自相啖餘一種存者留之蛇則曰蛇蠱虱則曰虱蠱

行以殺人因食人入腹內食其五臟死則其產移入蠱主之

家三年不殺人則畜者自種其弊累凡屋宇靜無塵網者即

其鬼所爲也又名挑生於飲食魚肉蔬果可入人中其害者

胸腹攪痛十日其蠱能動腫脹如甕九孔流血而死永樂初

縣丞彭豫懲數家於法然負郭及諸鄉村尙或有之嶺南衛

胡蔓草毒急取抱卵未生雞兒細研和以清油幹口灌之乃

吐而甦其蠱毒挑生在上高者膽礬五分投在一盞熱茶內

候溶化服之以雞翎攪喉令吐在下高者鬱金水二錢飯湯調下即瀉出惡物又有麻藥置酒中飲後昏不知財物皆被奪去久而後醒凡蠱毒麻藥今皆無有惟胡蔓草尙有存者申志

九星洲山下有古墓一碑刻李張陳捕主神位相傳為明末守衛洋面者其時海氛猖獗三人同戰歿溺於零丁洋土人收葬於此至今祀之祝志

小欖蕭士賢字宣仲附貢生康熙間人善琴家藏古琴一云宋時物背銘九霄雷三大篆字又有楷書銘二十字下有蘇軾二字小章下截有大印章鐫起昇元賞四字通身起蛇腹

斷紋其子孫至今寶之櫬屑

仁和杭太史世駿為粵秀山長告諸生日前明如方文襄獻

夫霍文敏翰皆配先賢堂而獨遺李忠簡黃文裕何也祝致志

書督撫兩院請增設忠簡文裕二公木主於先賢堂抗世駿嶺南集

注由是香山紳士又告之邑侯祀文裕公於豐山書院祝志

蓉筆樹在縣南一百里古鶴村中數百年來枝幹婆娑不花

香山縣志卷二十二

雜記

畫

而子每葉落不逾三日淨盡又三日新葉滿矣初如著火琉璃三四日青如菩提柔滑可愛半月後子滿枝而葉老然葉落無期如留片葉雖夏猶寒農人每觀葉以為布種之信蓋亦一異物也

前山寨南城外立石將軍二故石將軍躬擐甲冑以劍拄地蓋為控制澳夷設也其新者乾隆五十二年西洋夷人醉殺唐人有司命增立舉劍指澳門作欲殺狀所指不許居民藉稱稅地塔蓋房舍以蔽之相傳立新石將軍時發故石將軍前尺許地有石刻朱書雷然二字大逾尺埋土中如新即復

掩之卒不知其原也按今皆為澳夷所斲而有司莫敢問可歎也

小欖寨前海古鎮鱗鱗憑有蚌常吐珠大者如月先上則小者如流星隨之不可勝計其光燭二三里近海居人間罕罕

有聲耆舊相傳此蚌故在仰船岡草鞋洲海中近移於此其吐也或數年或一年數吐皆不出寨前海鱗鱉瀝上下十餘里間俱同上

小隱村西坑山半有黑石二堆遠望如鳥鴨二羣戲浴波間飛鳴浮沈無不酷肖俗呼為寶鴨石採訪冊

小隱浦近馬家峙山脚名鴨潭出石蟹漁人時網得之壳螯眼足與蟹無異可愈目疾

潭井村有古廟廟後有荒塚相傳明陳忠烈公子壯殉難後妾賴氏徙居此卒葬焉有田數十畝鄉人立廟祀之以田為香火費俱同上

麻子村有歐陽田叟者康熙間人少喪父年二十餘剽掠取財市甘旨奉母嘗以己一人破土岩手及七十餘人一日臥

香山縣志卷二十二雜記

美

病夢受冥罰如佛書說部所言者皆備歷焉神以其孝旋釋之及病起四體皆有創痕遂改行為善並舉其夢以戒世人一日過大環溪厲揭而渡乘筏者憐其老招之登曰吾無一文錢不敢以徒勞累人也僧跡刪成陽堂文集

小赤坎村有洪聖廟嘉慶十年海賊張保之亂村人黃紹鼎禱於神是夜賊望見村中有神見遂駭逸採訪冊

黃佛者荔枝山黃氏所祀也相傳為宋時新會石坑人生前精術數之學於張村飛昇新會新甯開平恩平諸邑皆著靈異道光年間小赤坎村黃氏建小閣刻像事之禱祈無弗應者咸豐甲寅會匪關更杜旺雷公有環攻上洲小赤坎鄉人卜戰吉遂奮勇殺賊香火因之益盛云

大仙廟在翠微六斗橋東相傳昔人重陽日遇古衣冠人於

松樹下龐眉皓首即之不見因肖像祀之數著靈異咸豐壬戌七月朔颶風甚有人寄廡下若掖之出者廟隨圮餘瓦一椀神像巋然鄉人新之旁有亭翼然繚以曲欄虬松舞翠仙風琅琅亭外數步有泉湧出甘冽如醴歲旱不竭林若谷孝廉主鳳山講席以符調水晶為名泉

嘉慶年間小隱村人駕船至筆架環得一石圓而滑色類硃砂剖之中有水養蟾蜍一枚旋為同伴者棄於海有蛋人曰此空青石也拾之去俱同上

黃照文字月山訓導培芳子讀書訶林一夕瞥見一女子自云有仙緣若繼繼者久之語其幼妹曰吾當以某日去一日晝寢弗興家人視之則整衣端臥逝矣時嘉慶庚辰六月二十八日也啟衣得詩詩曰上帝徵書至丹成拜使還一從乘

香山縣志卷二十二 雜記

圭

鶴去何日到人間澹蕩真吾輩塵勞有幾閒煙波江上路縹緲入蓬山末署云月山沐浴更衣而逝時年十八張維屏聽松廬文集

商父癸葬以葬父癸有足高三寸七分徑五寸三分深三寸九分重三斤阮通志小欖何氏所藏祝志父庚由以雨林父庚舉俗

所謂提梁也梁為繩紋高三寸身高四寸口徑二寸五分廣一寸九分重三斤八兩有奇香山何氏之物相傳何吾驥與長洲文震孟同官於朝震孟以此器贈吾驥云阮通志商辛

彝以亡三帝狀又父作辛彝鼎聯小欖李氏所藏高四寸八分深四寸三分口徑七寸一分腹徑六寸七分重四斤有

十一兩祝志商乙父由乙器乙父乙以乙蓋父乙高五寸八分

徑三寸重二斤有奇阮通志小欖何氏所藏祝志周鼎銘全錄引

廟用合敦子孫承城南鄭氏所藏身高一尺四寸八分耳

高三寸二分口徑一寸九分三足皆刻龍首以飾其上重十

有一斤祝周伯敦白巨廟飲伯作敦高四寸三分重四斤有奇

阮通志小欖何氏所藏祝季姬區李歐亡丑城南劉氏所

藏器為牛形流長二寸周四寸四分身長六寸五分腹廣五

寸深二寸容四升祝齊錢刀奔何城南劉氏所藏及

長四寸有八分廣寸有三分莖長二寸有二分廣七分面周

有罅峻一分強環徑寸好七分面與罅平背出莖一分以廣

法平權之重一兩有三分兩之一當古權四兩強祝秦瓦盃

左齋無極長生仁都黃氏所藏祝

南門諸葛武侯廟漢駱越銅鼓侈足殺腰腰以上漸穹復弁

之以承其面面圍九尺有三寸出十分寸之七以覆其穹底

廣如面而空之十分其面圍去一以為腰圍十分其腰圍以

香山縣志卷二十二雜記夫

其四為之高三分其高耳居上對出焉面之暈五身之暈十

有二暈間有午貫文者雷文者飛鷺文者織箏文者連錢文

者貫索文者刺圭文者面四隅畫蹲之獸其目作其首跪其

後足欲躍且鳴長五寸高廣五之三中兩畫間故有騎以兩

手控馬而馳者二今佚其一其一并人馬繫之高一寸八分

二十分其高去一以為之長形製殊古非晉以後物也小欖

麥氏亦藏一鼓差小亦有二騎者狀與武侯廟鼓同惟騎側

更有小馬作遊牧狀為少異耳祝城內何氏藏銅鼓三大者

面四畫無控馬者比武侯廟鼓差小而文同古綠斑駁一小

者面纔尺許高僅及大者之半面有暈無畫馬採訪冊

玉枕十三行相傳宋賈似道刻也賈敗棄於糞土揚州人某

得之渡江舟覆石落水中康熙間漁人網得虎踰粘其上剝

蝕殆甚適翁公當年督學廣東路出鎮江舟過見之購以數金審爲玉枕本至粵召善拓者時邑諸生梁清士應召事竣翁酬以二本梁又自精拓一本凡三本一售邑人高以誠一售邑人蕭某其一摹上石清士後人質諸陳澤秀澤秀質諸劉起元其後劉之姻黨毛錫五購藏於家石縱一尺二寸半橫一尺一寸厚八分王大令十三行帖刻本頗多此爲玉枕第二刻彭人傑尹東莞時欲購之不可得摹一本以去卽此石本也祝志

趙松雪書米石銘隸書小欖何氏所藏石高僅五六寸峰巒

巖壑俱備深凹中小不容刀而銘字刻其間倍適勁真奇工也石刻云余素愛石遍購寰宇所得無一佳者於遺山齋案頭見此神品迺自襄陽承藏之物心竊慕焉因作十字十畫

香山縣志卷二十二 雜記 堯

以易之荷其持贈奉爲清玩世世子孫流傳勿替銘曰巋崎嶇欽逶迤嶙峋質油光璞國寶世珍願以獻之聖人趙孟頫謹識祝志

鄭東巖鄉賢有蕉葉古琴一張背無款識通體牛毛斷紋音極清越後傳二十二世孫鼎鼎名曰九天珠玉鼎又蓄白沙先生舊琴一背鐫草書滄海龍吟四大字書法飛舞適勁末有石齋二字方印通體蛇腹斷紋漆色光澤音韻堅壯蓋靈山張遠山錫封所遺也採訪冊

陳里仁茶園人年十五從軍大鵬戰歿於瓊州海化木流返示夢鄉人遂取木刻像廟祀焉康熙壬戌邑宰姚啟聖將有臺灣之役感神靈異載主從征凱旋贈以雖死猶生額復請旌感應普聖侯同上

陳坭出旺之地莫如香山新會開平鶴山以及順德之馬甯等處嘉慶十四年理事同知稟請藩憲諭各縣凡有陳坭之家遇硝商持照採買務照價出售又硝商領照到黃埔及澳門買鐵砂聽夷商公平議價

李逢春確礮議

邑城隍廟鐘高二尺許旁多剝蝕痕向懸神座側一日司祝見鐘自天飛下復於故處四圍皆濕異之海中人言有鐘飛至海面吸水者三乃知此鐘所為懼其為崇懸之儀門梁上

自爾不復飛

黃芝蘭小記

三婆神者晉船人所信奉也相傳神出自惠州能降靈附人身言休咎神降時左右跳舞語喃喃自以鐵貫兩頰無血咸豐四年秋神降附晉船男女言賊將敗人心藉以自固我軍屢勝晉船人為建大廟於沙地員峰張溪人亦為建小廟於

香山縣志卷二十二

雜記

全

牛口山之陂翠羽明瑞香火雜遝冬十月降語寢支離知縣邱君杖附神者數十靈響遂息

採訪冊

咸豐二年夏四月長洲鄉農黃念波初更後已就寢忽聞有聲甚厲夫婦驚起有物衝其房門飛入亟燭之則一蛇踞其牀上大呼家人畢集蛇忽不見旋覺之繞其先木主三匝殺之碎其首復一頭昂起始知為兩頭蛇也後亦無他異

長洲獅山有楓樹出烟如瑞雲則是鄉科第輒應云

俱同上

邑民往濠鏡澳路逢大青石版斜插土中疑是銀窖夜與二人持鏞啟視乃大潭也深不可測方注目間水忽鼓盪起風煽波颺聲若奔馬有物浮起軀幹殊偉不見首尾鱗甲間火光射人急以石版覆之良久乃已莫測何物

黃芝蘭小記

下馬嶺附近之新村同治癸亥七月村農許延禮耕於野

犢踏荒隴忽陷數尺視之得古錢一窖約數十千土花斑剝朽貫相連色如翡翠洗視皆宋年號間有五銖開元錢百餘枚好事者爭購為珍玩一枚易制錢數十文採訪冊

隔田村旁有大榕樹一株偃於風仆數年矣葉皆槁同治十三年夏雷大震榕忽起立未幾柯葉青葱同上

橫鄉人善作盆菊每植一株分數十枝或百枝三丫六頂如太極兩儀之相生一枝止留一蓓蕾扶以小竹杖長短相從至花時齊開層層如規之圓尤以葉色青葱茂密經霜不脫者為上盛開時集鄉人所植各種設賞格評高下曰菊試聯二三知己傾樽籬下索句花前曰菊社至於菊會起止凡三日夜張燈綵作梨園樂花路花橋花樓絡繹數里各族祠宇門庭齋舍悉選花之佳者布列點綴間以名人字畫及古玩

香山縣志卷二十二 雜記

全

器開筵迎客幽香滿座四方來觀者千萬人雖農夫牧豎從芳馥中行亦旋改其面目邑令彭竹林詩所謂攬市花期韻欲仙是也會無常期自乾隆壬寅為初會辛亥為第二會嘉慶甲戌為第三會時和年豐又值是歲花事倍勝則為之志順德羅天尺有攬溪鬪菊詩暴志藝文同治甲戌十月初十日再舉為第四會命題徵詩首題為登風度樓懷張文獻公次為菊酒菊饌菊燈菊枕詩四千餘卷南海譚榜眼宗浚評閱本邑黃紹昌詩擅場採訪冊一時有菊花狀元之目海山詩屋詩話縣治後枕仁山前朝貴峯山狀如席帽形家言謂代出偉人如宋馬侍郎南寶明黃侍郎文裕公佐李尚書文介公孫憲國朝如會制軍望顏何總兵勇烈公朝亮皆為名臣正以離明之位不可有物以蔽乎其前也光緒九年三月南門城

外大生當舖擬建貨樓高踰於城蔽塞縣署前面經城南諸紳勸止照舊丈尺修築並稟縣存案採訪冊據檔冊

附記

明故有提調備倭行署三今惟議事亭不廢申志

國初設海關監督行臺及稅館其商僮傳譯買辦諸雜色人

多閩產若工匠若販夫店戶則多粵人賃夷屋以居澳門記畧

會館在澳西南隅營地在澳東南隅與會館相接舊屯營所

就其地而築亭於四隅後燬於火就故址改築祝志

夷所居地西北枕山高建圍牆東南倚水為界暴志小門三曰

小三巴門曰沙梨頭門曰花王廟門今俱塞大門三曰三巴

門曰水坑尾門曰新開門祝志澳門記畧云澳城固而庫明

牆不屬礮臺六最大為三巴礮臺臺冠山椒列礮四十七銅具

香山縣志卷二十二附記

十六餘鐵上宿蕃兵下為窟室貯焰硝次則東望洋西望洋

兩臺對峙東西山上東列礮二十銅具五西列礮十二銅具

五餘皆鐵娘媽閣礮臺列礮二十五銅具十二餘鐵南灣礮

臺列礮四咖噠礮臺列礮十八銅具七餘鐵內大銅具一

重萬餘斤大十餘圍長二丈許受藥數石凡兵防藥局諸臺

與三巴略同祝志

寺首三巴在澳之中雕石綺疏製殊瑰異奉天母及天主耶

蘇像下舊有天主堂即乾隆間所封禁者澳西有小三巴寺

南有板障廟壯麗特甚龍嵩廟在澳西南即飛來寺暴志另載飛來

寺大廟在澳東南即望人寺暴志另載望人寺誤夷人始至澳所建也

西南則風信廟蕃船既出蕃婦祈風信於此東隅則咖噠囉

廟北隅則花王廟南隅廟曰支糧如內地育嬰堂制醫人廟

在澳東夷病不能自療者就醫尼姑寺在澳東南局鑰巖誌
終身不復出至親不能視東南城外別為痲瘋寺同上

澳夷以黑氈為帽錦毳裏身無襟袖縫綻之製腰帶長刀刀

尾拖地數寸畫石作聲其髮垂至肩紺綠螺螭鬚如也面甚

白惟鼻昂而目深碧與唐人異其侍立者體如漆黑鬚髮蓬

然氣腥甚是曰鬼奴廣東新語奴不匹配雍正八年理事官冊呈

夷人五百十七夷奴六百六十六夷婦一千三百九十七夷

婢九百九十九嘉慶十四年總督百齡臨澳點閱夷人一

千七百十五夷婦女一千六百十八夷兵二百六十五黑奴

三百六十五冊今男婦奴婢共三千六百餘志

三巴寺僧司教者曰法王由大西洋來澳酋無與敵體者有

事請決奉命惟謹廣東新語凡蕃人有罪至寺法王不許讞

香山縣志卷二十二附記

血流狼藉以為可免地獄之患又蕃女入寺惟法王餘如火居

王所欲與法王生子謂之天主子絕貴重云云

衲子之流其通曉天官法曾遊京師者留髭鬚解華語尼曰

聖母其敬奉尤甚於法王澳門記畧

夷官有判事官掌刑名來自大西洋五年一代理事官掌稅

餉財貨澳夷推擇一年一代皆夷目也兵頭遣自小西洋轄

蕃兵分戍諸礮臺及三巴門其屬有兵總悉稟小西洋令有

大事附達大西洋大西洋去中國遠遣酋守小西洋紅棍官二等曰大紅棍

二紅棍大紅棍於夷人就暝時籍其私財詢其人以若干送

寺廟若干遺子女若干給戚屬詳書於冊其沒而子女未能
成立者二紅棍如大紅棍所記應給之數撫育而經理之無
子女歸寺廟如內地保甲者曰小紅棍兼守獄志參澳夷
官亦乘轎其轎方長如櫃官從頂蓋上出入則仍以頂板

蓋之四人舁之止則揭蓋板以出其傘用竹葉編成白竹爲柄一人執傘前導一人負一板箱二人執長鎗以從其餘儀衛簡陋可笑嶺南雜記今多乘內地官轎僱華人舁之其富者卽然不盡夷官皆商人私贈以媚之者此風不可長祝志

蕃書二名其一通事皆唐人理事官稟上郡邑字遵漢文有蕃字

小印融漆烙於日字下緘口亦如之內地官如澳判事官以

降皆迎於三巴門外三巴礮臺燃大礮蕃兵肅隊一人鳴鼓

一人颯旗隊長爲帕首韓袴狀舞鎗前導及送亦如之入謁

則左右列坐登礮臺則蕃兵畢陳吹角演陣犒之牛酒澳門記畧

其俗以行賈爲業性侈靡相見脫帽以爲禮冬至後七日爲

歲首插椰葉於戶人相賀紀年以耶穌始生之年爲元年稱

一千四百若干年四時無令節春秋無祀先禮慶弔無牢醴

香山縣志卷二十二 附記



幣帛之儀燕飲不修賓主揖讓之節貴女賤男家政女操婚姻不由媒妁相悅則相耦婚期詣廟跪僧誦經畢訊其兩諧卽以兩手携男女手送之門外謂之交印男富歸男家女富歸女家尤薄於送死無棺槨藁葬於廟妻子無一送者禫服六月哭不過七日近間效華人用薄板棺無族姓親屬白多瑪著聖教切要竊中土五服圖爲同姓外親之圖叩之澳夷實嘗如門皮十字架謂之聖架歲屢奉天主出遊十月肖楮爲紅夷縛而走諸市諸蕃手椎追擊之明季紅夷奪澳市澳夷怨之切歲有舉所以志也今紅夷寓澳者富且強悍畏而不敢爲祝志參澳門記畧

夷法輕予鞭稍重遣地滿地滿在南海中水土惡毒無所生

凡有罪遣戍死刑則或勒或戮或焚或縛置礮口而燼之監者無一生還

禁則賤者在矢牢貴者在礮臺祝

澳夷技藝莫先於歷學今之所謂西法也其國有小學中學

大學分四科曰醫曰治曰教曰道道即歷法自利瑪竇入中

國言地四面懸空日大於地地大於月地之最高處有闕日

月行度適當闕處則光為映蔽而食五星高低不一火最上

水最下金木土參差居中故行度周天有遲速皆著圖而立

說焉今三巴寺世習其業待其學成部牒行取香山縣護之

如省督撫資遣入監澳門自義和失其守古籍之可見者僅

有周髀而西人渾蓋通天之器寒熱五帶之說地圖之理正

方之法皆不能出周髀範圍史稱旁搜遠紹以續千年之墜

緒亦禮失求野之意信矣明史若天主教則攻佛攻老攻古

帝蓋其好勝之俗為之不獨史稱歷法云爾也今就澳門取

香山縣志卷二十二

附記

金

其書觀之所云五經十誠大都不離天堂地獄之說而詞特

陋劣較之佛書尤甚澳門其國人東來者大都聰明特達之

士意專行教不求利祿而著書多華人所未道故一時好異

者多尚之而士大夫如徐光啟李之藻輩首好其說且為潤

色其文詞故其教驟興明史昔西人有行教於安南者舉

國惑之王怒殺之盡至今不與通市噶羅巴石繫十字架於

路口武士露刃夾路立商其國者必踐十字而入否則加刃

雖西人不敢違又埋耶穌石像於城關以踐踏之蓋諸蕃嚴

惡之如此中土人士乃信而奉之如恐不及明臣蔣德璟破

邪集序且為調停其間惑矣矧其誣天而滅倫者固不可訓

豐餌而致眾者尤不可問耶 聖朝用其歷法而放斥其

邪教負平尚哉度越千古有由也

澳門

按日食由於月在日下月食由於月入地影澳門記
略地之最高處有闕云云所述誤也且日月食之理
中國古書早已言之惟地影謂之闕虛闕虛見張衡靈憲其

實則一而已其說非始於西人也今特為訂正之

蕃字以二十三母互配而成凡萬國語言風雨鳥獸之聲皆

可隨音成字鄭樵所謂華以目傳故華有無窮之字梵以口

傳故梵有無窮之音者也其書右行與梵書同上

夷人精於製器有天文器兵器樂器天文器則十二辰槃自

鳴鐘自行表日規月影鶯卵沙漏形如鶯卵實沙其中顛倒滲之以候更數寒暑

針管長二尺許注水銀兵器則大銃即咖啡噶噶臺中大銅

其中隨節氣為盈縮毛擅此大器常欲窺香山鎮脅奪市利澳人乃傲為之製視

紅毛尤精發時以銃尺量之測遠鏡度之靡不奇中紅夷乃

不敢鳥銃機銃長鎗手鎗自來火鎗小者可藏於衣板中皆精鐵分合而成之二

香山縣志

卷二十二

附志

全

十餘事合之牝牡橐籥相茹納紐篆而八外以鐵束之五六

重圍四寸修六七寸小石如豆鬲皮函外鐵牙摩夏則火激

而銃緘銀花火器繞指鬱刀銀柄武器長劔短劔樂器則有

風琴銅絃琴銅鼓蕃笛他如眼鏡照身鏡千里鏡顯微鏡火

鏡之屬皆工緻餘多淫巧祝志參澳門記畧

澳地不產鹽米蔬菜俱內地運出至內地所用犀角香珀哆

囉嗶嘰羽緞羽紗蘇木椒檀玻璃種種洋物皆與之互市嶺南

雜惟鴉片煙即倭芙蓉有禁而澳夷實恃此為利藪市計盈虛半

由於此故昔也洋禁嚴而互市借其名則澳夷富洋禁開而

諸蕃得自市則澳夷貧今也市禁寬而鴉片盡聚於澳中則

澳夷富市禁嚴而鴉片竊貨於海外則澳夷貧此固澳夷盈

虛之大較也澳夷既貧紅毛餌之蓋將乘其後矣是則可憂

者祝志

洋酒以暹羅國為第一外國酒名記澳門中洋酒來自西洋紅毛

佛郎西諸國者甚夥哪呀酒紅白二色品最貴罷欄地酒紅

及淡白二色味最濃須和水飲能治跌打刀傷火酒亦和水

飲白酒紅酒能壯血喇酒色黃味苦能消熱積利哥酒巴悉

酒西打酒亞姑噠酒三邊酒曉酒俱淡黃嘞酒深紅亞叻酒

色白甜酒色紅斤地喇酒啤釐酒俱淡紅葡萄酒釀金星酒有

金屑如星類多精美皆名酒記所未載物產畧

澳之奸民不一其役於官傳言語釋文字丈量船隻貨之出

入口點件數秤輕重輸稅上餉者曰通事其親信於夷為司

出納者曰買辦其侍夷人飲食者曰沙民猶華言奴子其出口入

口之貨訂價交易者曰孖毡猶華言體面人也其本行乏費自出本

錢借招牌與夷貿易代本行上餉者曰大孖毡要皆不顧

香山縣志卷二十二附記

全

國體罔知羞愧求苟悅於夷情圖三倍之利市為夷人者運

之若臂指寄之以腹心遂至恣肆橫行不服管束通蕃病國

誰不憤之退思齋文集

自和議成後煙禁弛澳夷不能專利漸至窮蹙而是時秘魯

古巴諸國買華人回國供役曰豬仔在澳門設立招工館奸

人藉以為利誘騙華人出洋澳夷坐收其稅邇來此風經定

約禁革而澳夷益窮自內地嚴圍姓賭館之禁聚粵中小姓於文武鄉會

射試及歲科童試時奸人潛往澳門開設恃夷為固而澳夷歲

收陋規數十萬遂因之漸富矣夫圍姓雖禁與未禁同且比

未禁時尤熾罄百姓之財以肥澳夷其害可勝言耶然則正

本清源固自有道是所望於良有司矣採訪冊

重修香山縣志跋

我邑建置自宋紹興始經營締造百廢振興惟志乘一書由元而明尙未組織成篇以垂不朽永樂中鄉賢容君悌與計邑志未成總任創修屬楊君餘蔭爲論贊蓋初志也比成化甲辰庠生黃君經增以爲新志嘉靖間秦泉黃公應鄧侯文巖聘議修縣志先發凡例令門人楊上舍維震輩撰次論列公親加潤色凡八卷三百餘年之曠典一朝具舉彬彬如也國朝以來 敕直省郡縣修志書呈史館彙成一統志申尹良翰何君準道等躬逢盛典敬纂邑乘而上之乾隆庚申暴侯煜以舊志修於康熙癸丑距今幾八十載前黃令曾聘梁君金震李君卓揆楊君節等開局採訪甫脫稿而黃令卒未付梓諸君子尋奄逝侯遂與李君商權續修凡四閱月而志

香山縣志 卷二十二

跋

八八

稿告竣道光丙戌祝侯雅詢知修志之舉已七十年有奇爰聘伍進士彭年李廣文瑩書劉孝廉濬等分任纂輯而屬黃副貢培芳彙其總祝侯復延梁學博釗李茂才光昭衙齋訂定期盡善也自是以迄同治癸酉又越四十餘年矣田星五刺史慮志久不修書缺有間屬余與梁解元今榮鄭學博溥泉何副貢良鼎黃上舍紹昌梁茂才煦南同襄厥事總纂者番禹陳學錄澧無何梁解元鄭學博相繼凋謝張鴻舫司馬蒞任復延楊君蔭光劉君燭芬兩茂才入局分纂晨夕論訂次第校讐書之成也得卷二十有二爲門三十有八竊嘗思之吾邑僻處一隅然海濱鄒魯之風夙爲大雅君子所重馬侍郎毀家紓難以節烈附祀三忠李文介望重秩宗道德文章彪炳史冊他如黃副使之忠梗鄭丹徒之直方均足孺立

頑廉聞風興起咸豐朝曾制府保障秦中政績宣付史館建
立專祠至若標名通志卓絕一時者難更僕數余自惟謏陋
與於斯會深以闕略爲懼第以邑志之修集成於泰泉黃公
增擴於培芳黃公今茲承乏其後敢云於史裁有當但詳敘
梗概謹跋數言附著於末云爾

光緒己卯孟冬里人黃桂丹謹跋

